

V

695

SE

PRÉDICTIONS


274



2

2

RVE





La couverture originale
est devenue :


ms. 3953 (pièce 5)


V 8° 695⁽¹⁾ imo 2742

THE UNIVERSITY OF CHICAGO

LIBRARY

Vol. 3793 (No. 5)





v 695 1/2

2742

PREDICTIONS

DES CHOSES

PLVS MEMORABLES

qui sont à aduenir depuis l'an

M. D. LXIII. iusqu' à l'an mil


six cens & sept, prise tant des e-

clipses & grosses Ephemerides

de Cyprian Leountie, que des

predictions de Samuel

Syderocrate.



M. D. LXVIII.

A. BASLE.



A V L E C T E V R.



S I le Ciel auoit esté casuelle-
 ment enrichi de tant de corps
 celestes, sans que par la proui-
 dence de Dieu sorussent infi-
 niz effects de leur mouue-
 ment, influence & lumiere, à bon droict se
 roient accusez de folle & temeraire super-
 stition tous ceux qui les obseruēt & qui se
 persuadēt les astres du Ciel auoir quelque
 puissance sur les corps inferieurs. Mais cō-
 me ainsi soit que le Dieu tout puissant ait
 enclauē les estoilles au Ciel pour nous ser-
 uir de signes, moiennānt lesquels nous est
 loisible preiuger, quelque chose de futur
 en l'estat des hommes, des Royaumes, de
 la Religion & police d'iceux, on ne pour-
 ra qu'a bien grand tort reprēdre celui qui
 non superstitieusement, ains avec une cer-
 taine modestie & prudence entrera en la
 contemplation de ces merueilleux effects
 & des causes effieiētes qui les produisent.
 Semblablement cestuy-la fera tenu pour
 athée qui plein d'irreuerence se moquera
 des eclipses tant solaires que lunaires, des
 oppositiōs diametrales des planetes, des
 estoilles cheueluēs, des comeres et de tant
 d'autres choses prodigieuses qui se des-
 courent au Ciel: considéré que ce sont
 vrais

vrais oracles & aduertissements de Dieu
 qui nous exortent à penitence, si d'auentu
 re nous sentons nostre chef exposé à leurs
 menaces, ou à rendre graces au Seigneur
 si nous attendons quelque bonne issuë de
 leur constellation. Or il est ainsi que de-
 puis quatre ans en- ca, à scauoir 1560, 61, 62,
 & 63, nous auõs enduré les aduersitez tou-
 tes telles que les Astrologues bien uer-
 sez en leur art, et suiuañts en ce le cours na-
 turel des astres nous auoyent predict, de
 sorte que selon nostre iugement humain
 nous n'en pouuons à l'auenir souffrir de
 plus terribles. Tutesfois si nous uoulons
 cõferer les synodes, cõgregatiõs, aspects,
 coniuñctions, & oppositions des corps ce-
 lestes qui ia sont aduenues lesdicts quatre
 ans passez, auecques les futures, nous n'a-
 uons encor marchè que sur des roses tant
 il y a de chardons qui nous presentent
 leurs espines. C'est pourquoy ie t'ay uou-
 lu faire offre de la presente Prognosticatiõ
 non mienne, mais recueillie des mathema-
 ticiens alleguer au discours d'icelle, pour
 en premier lieu te faire uoir comme leur
 prediction touchant les quatre ans cy des-
 sus declarez a esté ueritable, & par ce te
 persuader que ce qu'ils ont prognostiqué
 du futur iusqu'à l'an mil six cēs sept doit
 estre receu sinon pour totalemēt certain,

à tout le moins pour uray semblable: car
 qui est le fol qui te uouldroit necessiter à
 croire cela? D'aduantage, purce que **DES VS**
CHRIST nous admonnest en saint Luc
 uingt & uniesme chapitre, qu'apres a-
 uoir esté aduertiz & menacez par les si-
 gnes du Ciel nous recouriōs à luy en tou-
 te humilité & compunction de cuer: i'ay,
 uisant à ce but, dedié cette Prognostica-
 tion à ton usage, à fin que si les astres te
 menacent de quelque destin malheureux
 tu sois exorté par moy à une meilleure uie
 & à prier Dieu incessammēt qu'il luy plai-
 se retirer le fleau de son indignation de
 dessus toy, ou si sans aucun desastre tes af-
 faires doibuent arriuer à bon port tu aies
 à deuotement en remercier le Createur
 qui t'a rendu le Ciel tant fauorable. Vse
 donc de mon labeur en bonne part,
 & m'en sçache grés'il te
 plaist.

EXPOSÉ

EXPOSITION DES CHOSES ADVE.

nues les quatre ans passez, 1560, 61,

62, & 63.



Le uingt & unième
iour d'Aoust mil cinq
cens soixante, fut une
eclipse de Soleil qui à
pratiqué & mis en uer
tu ses effectz les ans
ensuyuās à scauoir 61,
62, & au cōmencemēt
de l'an 63, ainsi que nous pouuons auoir
ueu par experience. Mercure & Venus do-
minateurs de l'eclipse, mais tous deux infé-
tez signifient en premier lieu qu'en l'an
mil cinq cens soixante un, se cōmettoyēt
grandes fraudes & trahisons sous paro-
les amiables. La situation de l'eclipse en la
neuvième maison nous menacea de diuers
changements en la Religion & en l'estat
des gens d'eglise, à cause dequoy se deuoit
faire grand appareil de guerre & perte es-
merueillable d'un costé, à raison de la ne-
gligence ou crapule d'un Capiraine. Ces
mutations ont esté plus grandes que tou-
te celles de parauant, pource qu'elles de-
pēdoiyēt d'une eclipse de soleil, les effectz

de laquelle sont tousiours plus uiolents
& nuisibles que de dix eclipses de lune.
Ainsi lisons nous és histoires anciennes
quelques eclipses de soleil auoir tousiours
preuenu les sacagemēts des uilles, les deso-
latiōs des Royaumes & des Empires mes-
me de nostre temps nous auōs ueu lesdites
eclipses aparostre au mōde lors que quel-
que extreme calamité & changement di-
uers debuoit aduenir, comme si les astres
eussent par la distraction de leur lumiere
compati en nos maux & eu compassion
de nostre calamité future, Mercure gouuer-
neur de l'eclipse en la neuuiesme maison,
se cachant souz les raiz du soleil, & infecté
par Saturne en quarrē nous menaçoit oul-
tre les desia dites auantures, d'une infini-
té des fines & cauteleuses conspirations,
d'une intermission d'estudes, destruction
d'Vniuersitez, & dissipatiō de toutes bon-
nes lettres, dōt ne debuoit ensuiuir qu'u-
ne dissolution de uie & corruptiō de bon-
nes meurs. Au reste il donnoit attente de
mort ou de quelque aultre inconuenient
à un grand Prelat, ou bien à quelque hom-
me merueilleusement docte.

Dauantage entendu qu'au fait de ce-
ste eclipse la septieme maison estoit suiectre
à Mercure & que le trōpeteau Saturne se
trouuoit en la mesme maison, c'estoit si-
gne

gne qu'en l'an mil cinq cens soixante deux
se proposeroit quelque traitté de paix ou
de trefues, qui toutesfois ne se parferoit,
que grande guerre s'esleueroit, que les tra-
fiques des marchans seroyēt empeschées,
& qu'ils ne se garderoient aucunement la
foy. Venus participant au gouuernement
de l'eclipse & coniointe à Mars partiliter
nous menaçoit de quelques Princes &
grans Seigneurs qui en merueilleux appa-
reil de guerre debuoiēt assieger quelques
uilles & les prendre de force, mais qu'ils
se gardassent en fin que la chose ne leur
tournast à interest, car apres auoir dilige-
ment recherché les natiuitez de deux de
ces Princes (les noms desquels ie ne ueux
exprimer) ie les trouuois tous deux me-
nacez de mort ou de quelque aultre grief
accident. Chacun sçait cōme l'an mil cinq
cens cinquāte & un le dernier iour d'Aoust
fut une eclipse de soleil au signe de Virgo
qui fut de semblable disposition que cette
cy dont nous parlons maintenant. Ceux
qui ont obserué ses effectis peuuent tesmoi-
gner quels ils furent l'an 1552. & 1553, quels
troubles aduindrent en la Chrestienté,
quelles mutations, quels saccagemens &
quels tristes issues des troubles aduenus,
à l'exposition desquels ne m'arrestteray da-
uantage, pource qu'on les peult uoir au di-

scours des histoires les regions & les uilles suiettes au troisieme quadrangle du Zodiacq, celles aussi qui sont souz le signe du Lyon & souz la planette de Venus se deuoyent entre aultres sentir des incommoditez cy deuant dites. Et les hommes qui en leurs natiuitez ou reuolutions ont le lieu de leur horoscope du soleil, de la lune, du mitant du ciel, & de la part de fortune au septieme degre ou enuiron du signe de Virgo, des Poissons, du Sagittaire ou des Iumeaulx. Cyprian compte au nombre des prouinces de ce troisieme quadrangle une partie de la Gaule cheuelue, une partie du Rhin, & le pays de Normandie, au nombre des uilles Tholoze, Lyon, Paris, Narbonne, Aignon, Rouen & plusieurs aultres, ie laisse au Lecteur le iugement d'une telle prognostication, laquelle auerec par les effects qui sont ensuiuiuz, & que nous auõs ueuz qu'est ce que nous iugerons des aultres à uenir, sinon toute uerité. A la miene uolunté toutesfois qu'à pres tant de longues querelles & troubles en la Religion se traittast quelque bon accord, mais il est determiné que l'iuoye croisse avec le fourmēt iusqu'au iour de la moisson, & que l'Eglise soit exposée à naufrages infinis, iusqu'à ce que ce grād moissonneur uienne, qui separant l'iuoye recueillira

cueillera le pur grain, & assemblera tous les fideles en un, lors qu'il n'y aura qu'un berger & un troupeau.

Le seizième iour de Iuillet au matin mil cinq cens soixante deux, fut une eclipse de lune dont les effects ont apparü l'an mil cinq cens soixante & trois. Samuel Syderocrates mathematicien fort experimenté parle de ces effects assez amplement en un petit traicté qu'il a escript au Duc Cristophe de Vuirtemberg. Ses paroles sont telles: Vne esmerueillable constitution d'astres & qui n'a eu sa semblable plusieurs années au parauant aduendra l'an mil cinq cens soixante & trois: à cause dequoy ne se pourra faire qu'audir an & plusieurs aultres apres n'aduienne un bien grand changement en toutes choses, une ruine aux Royaumes & Empires une peruersité de loix & de meurs un estonnement d'armes, avec infinis deluges, rauines d'eaux, euenemens prodigieux, mouemens de terre, inflammations de cometes, maladies pestilentes, & plusieurs aultres genres de maux non encor' accostumez. Pour la connoissance desquels ie discourray en brief les principales situations des astres de ceste année 1563, puis qu'il ne m'est possible de toutes les expliquer ni avec telle diligence que la matiere pourroit bien demander.

A 5 Entre

Entre autres choses nous sont signifiez
 outre les uëts impetueux, outre les neiges
 & les ordinaires pluies, plusieurs grans di
 uorces en la Religion, plusieurs debats en
 tre les Princes et les gës d'eglise avec plu
 sieurs inconueniens qui doivent aduenir
 aux Nobles & aux Iouiaulx: pource que
 le 27. iour de Ianuier audict an à duze heu
 res, uingt minutes & en cler iour: Iuppiter
 & Mars se regardent diametralement au
 uingtcinquieme degre, & cinquante deux
 minutes des Lumeaux & du Sagitaire si
 gnes à double corps, l'un desquels occu
 pe la troisieme, & l'autre la neuuiesme. Le
 xix. iour de Feburier à neuf heures & cinq
 minutes se faict une opposition de Satur
 ne & de Mars, Saturne estant en la neuuie
 me constellatiõ de Lumeaulx, & en l'unzi
 me degre cinquante neuf minutes du Do
 decatemorion situé au signe de Cancer,
 Mars estant en la troisieme, & en l'image
 du sagitaire, par laquelle opposition nous
 sont derechef annõccées grandes mutatiõs
 en la republique, grandes diuisions entre
 les princes, entre les gens d'eglise & les
 rheologiens, grande corruption d'air, ma
 ladies, guerres, pluies, haines, enuies, ma
 chinations & aultres maux infinis, pource
 que ces signes sont tropicaux, & enrichis
 de figure humaine qui est cause que les pla
 nettes

nettes mal affectionnées à la vie des hommes à raison de leurs qualitez contraires leur donne force & uertu ueneneuse.

Le neuuiesme de Iuillet à douze heures & treze minutes de nuit, Iuppiter situé en la troisieme maison & 19. degrez de Cancer se mesle en rayon quarré avec Mars constitué en la douzieme du Moutō, le Taureau ascendāt. Le signe de Mars est equinoctial au neuuiesme orbe, & de double corps au huitieme. Celuy de Iuppiter est tropique, & de double corps pour ces causes les chāgemens croistront en la Republique, & en la Religion, la doctrine des dogmatizans en l'Eglise se desguisera de plus en plus, prou de fouldre, de tonnerres, & de uents impetueux aduiendront, avec une infinité de dissentions particulieres entre les Roys, Princes & grās seigneurs qui pource s'armeront les uns contre les autres.

Le dixhuitieme de Iuillet à trois heures Saturne, & Mars planettes ennemies, se trouuent dissidens en tetragone, le 28. degre du signe de Scorpiō estant pour horoscope, Saturne logé en la huitieme maison 24. degrez, & 18. minutes du signe de Cancer, & Mars en la cinquieme. Telle situation ne nous signifie que la mort de plusieurs hommes, grande indigence de poisson, grandes pluyes, tonnerres, & mouuemēs
de

de terre en plusieurs lieux, de sorte que par elle les maux précédés nous sont de beau coup augmentez.

Le uingtcinquième d'Aoust, à six heures de matin & dixneuf minutes en l'uni-zième maison du signe de Cancer à 28. degrez & 58. minutes, se fait la grande con-ionction de Saturne & de Iuppiter, qui ne nous aduertist sinon d'une merueilleuse mutation es empires & royaumes, de la mort de plusieurs Roys & Princes, & de plusieurs sectes et heresies, ensemble nous promettre deux ans apres, l'apparition d'une Comete avec plusieurs maux & inconueniens desordonnez. Nous esprouuames un tout pareil desastre par le moyen d'une telle conionction de Saturne & de Iuppiter au signe de Cancer, aduenue l'an 1504, quand deux ans apres asçauoir 1506. apparut une comete dont s'ensuyuit une secheresse si grande en lombardie & Insu-brie que depuis le mois de Ianuier iusqu'au mois de Nouembre ne tomba une seule goutte d'eau en ce pays-là. Bien tost apres mourut le Roy Philippe d'Hespange fils de l'Empereur Maximilian, puis ledict Empereur entreprist la guerre contre les Venitiens en laquelle aduindrent plusieurs choses dignes de grande admiration. Selim grād Empereur des Turcs despoil-

la son pere de l' Empire d' Orient, deffit
 deux Sultās en bataille ouuerte, ioingnit à
 sō Empire les pays d' Arrabie. Pource deb-
 uons nous grandement craindre que les
 Turcs ne descendent en Italie & Germa-
 nie, ueu que ceste conionction de Saturne
 & de Iupiter avec la situation des estoilles
 cy dessus specificée semble nous menacer
 non seulement de cela, mais d'une seruitu-
 de en laquelle ces Turcs maudits enne-
 mis de la Chrestientē reduiront les Prin-
 ces d' icelle, car il faut noter que la secte de
 Mahomer commença lors que se fit une
 telle conionction de Saturne & de Iuppi-
 ter au signe de Scorpion qui me faict dire
 celle de cette année 1563. au trigone du mes-
 me signe debuoir fauoriser la puissance
 des Turcs. Toutesfois de peur que toute
 bonne esperance ne nous soit ostée Iuppi-
 ter principal dominateur de l' Eclipsē qui
 doit estre ce mesme an avec l' estoille d' A-
 pollo, & Mercure autre dominateur avec
 l' astre d' Hercules susciteront quelque
 Prince puissant & glorieux qui par ses ar-
 mes engardera les Turcs de totallemēt ga-
 ster l' Eglise de Dieu, de sorte, qu'ils ne
 pourront franchir les bornes que le Tout
 puissant Dieu semble auoir plantées pour
 empescher leurs incursions. Ce mesme
 Prince erigera sa Monarchie, apres auoir
 dompté

domptre non seulement les ennemis de nostre foy, mais plusieurs aultres grans Seigneurs de la Chrestienté qui seront acharnez les uns contre les aultres tant pour leurs préeminences que pour la souueraineté de l'Empire, iusqu'à se tuer mutuellement & faire une horrible effusion de sang. Il y a un Prince en la famille du dernier Empereur Charles cinquième en la natiuité du quel le Soleil, la Lune, Mars & Mercure sont assis en la dixième maison non beaucoup elongnée du degré de cette grande conionction, en laquelle aussi Saturne se ioint à l'œil du Thaureau ennemi de la secte Mahometique, à cause dequoy ie prognostique ce Prince là, debuoir estre celui qui supporré de la puissance du Dieu souuerain, domptera la fureur des Turcs, sur la descente desquels Cyprian est de mesme opinion en ses eclipses quand il nous menace de la uenuë d'un cruel ennemi, de la captiuité de plusieurs rebelles, de la mort de quelques belliqueux uieillards, de plusieurs dangers qui aduiendront aux Nobles & d'une aultre infinité de maux. Cependant il fault prier Dieu que son plaisir soit d'exterminer le Turc, ennemi capital de son fils Iesus Christ & persecuteur de ses pauvres membres, cōbien qu'il use de lui comme d'un fleau pour chastier le pecheur.

cheur. Mais c'est sa constume de ietter les uerges au feu quād ils s'en est serui. Cypriā.

L'an 1560. au mois d'Aoust se fait une eclipse auant la mort du Roy François second, au 8. degré du signe de la uierge, laquelle cōmenca de mōstrer ses effects l'année ensuyuant 1561. & les a continuez iusqu'à la premiere de l'an 1563. pendant lequel temps le duc des Moscouires fait un grand degast au pays de Liuonie, & es regions d'enuirō, la Religion de la Cene arrestee entre les sectateurs de Zuingle, & de Caluin trouua quelque faueur en certains lieux de la Germanie, non sans l'offense de plusieurs, & grandes cruautez s'exercēt pour le fait de la Religio au pays de Gaule: selon ce que ladite eclipse de Soleil possedant la neuuēme maison du Ciel qui directement appartient à la Religion, auoit prenoncē, & comme aussi ie l'auoye predict sept ans au parauant. Car les eclipses du soleil qui se fōt au signe de la Vierge signifient le plus souuent un piteux estat en l'Eglise, diuisiōs, sectes, & heresies en icelle, avec efforts ambitieux & fraudulens. Ce que nous deuons aussi coniecturer des conionctions des plus hautes planettes, lors que elles se font au signe de la Vierge, comme il en aduint une du temps de Constantin le grand, lors que l'heresie

Arriane

Arriane troubla merueilleusement l'Eglise. Et souz l'Emperur Henry quatriésime, quand la Papaulté leua ses crestes, & que plusieurs traditions et ordonnāces humaines furent introduictes en l'Eglise du Seigneur. Sur le commencement de ceste eclipse mourut le roy François de France, le roy Gostan de Suede fort riche en deniers, & sur le milieu de ses effects qui aduindrent enuiron la fin de l'an 1561. & le commencement de l'an 1562. fut une grande cherté de biens, et un grand bruit de guerre au pays de Germanie, à cause duquel plusieurs riches marchans quitterēt leur train de marchandise, plusieurs banquiers feirēt banqueroute au grand interest des ueufues & des pupilles de nostre Germanie, ainsi qu'en mon'ceuvre des eclipses l'auois predicted sept ans au parauant. Aussi au temps de ceste eclipse, Saturne estoit situé au signe de Gemini signe Mercurial, & possedoit la septieme maison qui appartient aux cōtraicts & traffiques de marchandise. Vers la fin des effects de ceste eclipse, c'est à dire depuis l'esté de l'an 1562. iusqu'au cōmencement de la primeuere de l'an 1563, la peste fut grandemēt cōragieuse es pays limitrophes de Boheme, d'Autriche, Stirie, & de Hongrie, une infinité d'hōmes mourut à Norēberg, selon la coustume ordinaire de

de ceste uille, qui se sent tousiours de quel
 que calamité lors que l'eclipse du soleil se
 fait au signe de la Vierge, & que son gou-
 uerneur Mercure est griefuement offensé
 des planettes malignes. Nous en pouuõs
 proposer plusieurs exemples pris des ecli-
 pses susdictes, comme de l'an 1552. que le
 Marquis Albert feit tant de mal à ladiète
 uille, & de l'an 1548. que le Marquis Albert
 surnommé Achilles l'assiéga, avec la perte,
 & la mort atroce de tant de ciroyens. L'an
 mil cinq cens soixante deux, en Autumne,
 mourut l'Archeuesque de Coloigne de la
 maison de Mansfeld, lors que Maximilian
 Roy de Boheme fut eleu Roy des Ro-
 mains à Francfort du consentemēt de tous
 les seigneurs de Germanie: & le royaume
 de France fust troublé par tout de guerres
 ciuilles, à cause de la Religion. Car oultre
 le degast, le sac & la ruine des chāps, bour-
 gades & uilles, il y eut un tel meurtre com-
 mis que plus de trente mille personnes y
 moururent, sans que l'on eut esgard à sexe
 d'aucū, aage ne cōsanguinité, de façon que
 les coupables & incoupables, les armez
 & les desarmez se trouerent en un mesme
 danger. Mesme le seigneur de Guyse, le
 Marechal de S. André, le fils du Connesta-
 ble, le Roy de Nauarre, et plusieurs aultres
 grans Seigneurs leurs alliez y perdirent la

uie. Comme les François se tuoyent a inſi
 les uns les aultres, les anglois feirēt eſchel
 le en France eſperans recouurer ce qu'ils
 auoyent perdu par le temps paſſé. Auſſi
 l'auoye predict en mon ceuure des eclipſes,
 où le prognostic que i'ay fait de la mort de
 deux Princes ne peut que bien conuenir
 au Roy de Nauarre, & au ſeigneur de Guy
 ſe, qui ont eſté les deux plus eſminens ſei-
 gneurs ſi nous reſpectons leur authorité,
 & la maiſon de laquelle tous deux ſont
 ſortis. Depuis eſt ſuruenue quelque guer-
 re entre les Roys, Friderich de Danne-
 march, & Erric de Suede qui tous deux
 ont pour aſcendant en leur natiuité le ſi-
 gne de la Vierge, mais l'un la planette de
 Mars, en la douzième maiſon du ſigne de
 Leo, & l'autre la meſme planette de Mars
 retrograde au ſigne de Gemini, & poſſe-
 dant le coing ſupreme du Ciel. Qui me
 ſemble aſſez mauuais preſage, ores que la
 natiuité de l'un ait en ſoy plus d'incōmodi-
 té que l'autre, & ay bien grand peur que
 la guerre eſmeuë en leurs pays n'ait plus
 grāde trainée que l'on ne penſe. Samuel.

L'an meſme 1563. ſe ferōt deux eclipſes,
 l'une du Soleil le uingtième iour de Iuin,
 à cinq heures & deux minutes, lors que
 la lune ſituée entre le Soleil et noſtre ueuë
 nous priuera preſque de toute la lumière
 uiuiſſante

auuſſiſſaire du diſt Soleil, par ſ'opacit   et den-
 ſit   de ſon corps. L'autre de la Lune le cin-
 qui  me iour de Iuillet    neuf heures &
 trois minutes, ainſi que j'ay peu recueilli
 des Ephemerides de Stadius, eſquelles les
 mouuem  s me ſembl  t balangez bien iu-
 ſtement. Car c  me la Lune a par ſon inter-
 poſiti   fraud   la terre de la lumiere du So-
 leil, tout ainſi la terre ſe reſentrant de ceſte
 iniure fera par ſon interpoſition que la lu-
 miere du Soleil n   ſe c  muniquera    la Lu-
 ne, & par ce moyen la Lune eclipſera, mais
 pource que telle eclipſe ne ſera de grande
 importance c  me celle qui doit produire
 ſes effect  s d  s le mois de Septembre, au
 diſt an 1563. et les terminer ſur la fin de De-
 cembre enſuyuant: il ne conui  t plus lon-
 guement nous y arreſter, ains prendre cel-
 le du Soleil qui eſt d'efficace & de uertu
 beaucoup plus grande. Or en ceſte eclipſe
 de Soleil commen  ant    quatre heures
 & deux minutes du uingti  me iour de
 Iuing, & finiſſant    ſix heures deux minu-
 tes dudit iour enuiron cinq heures, ne ſe
 propoſe aucune bonne eſperance, pource
 que la ſituati   des aſtres y eſt fort eſtrange
 & merueilleuſe. Le Soleil, la Lune, Iuppi-
 ter, Mercure, Saturne, & la queu   du Dra-
 gon, en la maiſon hui  ti  me de la mort, ſi-
 gne tropique, eſtival & aquatique, & en
 B 2 l'image

l'image humaine des deux luméaux, sont
 bleffez & infectez par la planette de Mars
 constitué en la quatriesme maison signe e-
 quinoctial, uernal, & par l'asterisme des
 poissons. Qui pis est Saturne avec sa
 queue est esleué par dessus les autres pla-
 nettes, et de son corps offense Mercure do-
 minateur de l'anglet suyuant, & cōioinct à
 Iuppiter. Pource ne faut douter que le sou-
 uerain Dieu ne uéuille aigrement punir
 tout le genre humain, & changer les empi-
 res d'iceluy. Car le Soleil dominateur de la
 neuvieme en signe Tropicque nous presage
 grandes mutatiōs en la Republique, &
 en la Religion à cause de la mort de quel-
 ques Princes en Europe, spécialement en
 Gaule, Escole, Germanie, Angleterre, Ho-
 lande, Saxe, Poloigne, Lituanie, Prussie, &
 autres pays uoyfins. Iuppiter & Mercüre si-
 tuez en la quadrature de Mars nous mena-
 gent des uents impetueux, des tempestes,
 rât terrestres que maritimes, d'innūdatiōs
 & de pluyes, toutesfois aussi de chaleurs
 intolerables, qui causeront souffrette des
 biens et grande cherté, de mouemēs de ter-
 re, de pestes, de Cometes prodigieuses, de
 fouldres, de meteores ardēts & d'autres ef-
 fects grandemēt pernitieux à tout le mon-
 de. Vne semblable eclipse de Soleil au fixie
 me degré de Cācer, aduint l'an 1536, l'effect
 de

de laquelle se mettāt en uertu l'année d'après 1537, le uingtfixieme iour de May à quatre heures apres Mydi, l'anciē chasteau de Heydelberg, fut touchē de fouldre, & brusla de pied en cap. L'an suyuāt 1538, apparut au Ciel une grāde estoille en la partie Occidētale qui sembla tumber du Ciel, une Comete se mōstra, le Turc feit la guerre aux Chresttiēs, comme on peult recueillir des histoires de nostre temps. Mais ceste eclipse là ne nous a donné que des roses, au pris de celle dont nous parlōs maintenant, qui est de tant plus à craindre que plus elle a de planettes assemblées à l'environ de soy. Cyprian en parle ainsi.

L'eclipse de Soleil aduenuē l'an 1563, le uingtieme iour de luing enuiron cinq heures apres Mydi au huiētieme degré du signe de Cancer, est grandemēt esmerueillable, si nous uolōs nous arrester aux constellatiōs d'icelle, qui pour leur prodigieuse uarieté & assemblée ne me semblent promettre qu'une infinité de maux, & nommé mēt Saturne qui est esleué uers le mitā du Ciel, & mal affectiōné. De laquelle s'il me faut dire quelque chose en general, ie pourray hardimēt & en premier lieu assurer un chacū de tant de pluyes & rauines, qu'ē plusieurs endroits les biens de la terre seront tous ou noyez ou porriz: entēdu que ceste

B 3 eclipse

eclipse se trouue en un signe humide & aquatique auquel mesme se conioignēt plusieurs planettes qui n'auoyēt autre chose que certains desbordemēs d'eaues naufrages & dangers infinis en guerres maritimes. Et pource que ceste eclipse possedant la huitième maison du Ciel cōuerse auec la grande Canicule, & que les planettes corporellemēt cōioinctes à la dictē eclipse ne sont beaucoup eloignez de la petite Canicule, quelques Princes & Roys sont menagez de mort, & quelques aultres de prison ou dexil, pource que l'une & l'autre de ces estoilles fixes est uiolente iusqu'à tout. La mesme situation des astres et des planettes se trouuans au lieu de nostre eclipse, signifie une chose memorable deuoir aduenir, à cause de la mort de quelqu'n qui aura tenu un estat honorable en la prouince, puis quelques troubles debuoir reuenir du droict hereditaire de quelques trepassez. La peste aussi foissonnera & s'espandra par plusieurs pays, tant pour le signe contagieux auquel l'eclipse aduient, que pour la Comete contagieuse s'esleuant sur icelle. Vne semblable eclipse de Soleil aduint l'an 1424. au signe de Cancer en la huitième maison Saturne estant esleué sur icelle, aussi le monde fust alors grandement affligé par une peste generale. Quant au planete
de

de Mars qui du coing du bas Ciel frappe
 le lieu de l'eclipse, & les aultres planettes
 par son rayon quarré, autre chose ne nous
 est signifiee qu'une plus grande uertu que
 ceste eclipse aura pour nuire au monde ius
 qu'à luy susciter de grans débats, de gran-
 des factions, plusieurs conspirations occul-
 tes & guerres cruelles, speciallement entre
 quelques seigneurs du Septentrion, & du
 Mydi, & iceux parens ou alliez ensemble,
 la tyrannie desquelz sera si griefue à leurs
 subiects, que la plus part d'eux ne la pou-
 uans endurer, & nommément les nobles
 se rebelleront contr'eux, & se retireront
 de leur obeissance. Toutes lesquelles cho-
 ses conuiennent de poinct en poinct avec
 la prognostication astrologique que j'ay
 faicte il y a bien huiet ans en mon liure des
 eclipses pour les années 1564. 1565. & pour
 le premier semestre de l'an 1566. La premie-
 re constellation de Mars menace quelques
 villes opulentes de faim, de pauureté, et de
 grande confusion, iusqu'à s'y introduire
 une nouvelle forme de gouuernement. D'a-
 uantage les Prelats de l'Eglise tumberont
 en estat calamiteux et turbulēt, voire quel-
 ques uns d'eux seront cōtraincts de ceder
 quelque chose de leur droict, ores que par
 auant Peussent tousiours refusé, pource que
 l'eclipse aduiēt en l'exaltation de Iuppiter,

estât ledict Iuppiter situé sous la queue du Dragon, & Saturne merueilleusement malin. Telle fut l'eclipse de Soleil de l'an 1433, au cinquième degré du signe de Cancer, De laquelle pendât que les effets furēt en uertu les Venitiens, les Florētins, & le Duc de Milan guerroyerent tellement le grand Pontife de Romme, & si fort le presserent qu'il fut exposé au danger extreme de sa vie, & de ses biens. Lors aussi fut cōtraint au Concile de Basle de permettre aux Bohemiens le sacremēt de l'autel, souz l'une & l'autre espee. Ces choses dites en general nous suffiront pour ceste heure: quant aux particulieres: i'ay grand peur que le royaume de France ne soit griefemē affligé par la maison de Bourgongne & quelque peu par les Anglois. Car il me souuiēt que l'an 1424, fut une pareille eclipse de Soleil au signe de Cancer, & que lors le roy Charles de France, fut par les armes des Bourguignons & des Anglois deiecté de beaucoup de ses terres. Puis qu'une telle eclipse aduenū l'an 1469, esmeut une grosse guerre entre le roy Loys de France, & le duc Charles de Bourgongne. Qui plus est la semblable eclipse de Soleil qui apparust au signe de Cancer, l'an 1536, feit cōbattre à outrāce les François & les Bourguignons au pays de Picardie, iusqu'à laisser un piteux carnage tāt d'une

d'une part que d'autre. Je crain d'auanta-
 ge que ceux de Dannemarc & de Suede ne
 courent les uns contre les autres en batai-
 le ouuerte, car telles choses leur aduint du
 temps de l'eclipse, qui se fait au signe de
 Cancer l'an 1424. ceux aussi de Lubec, de
 Breme, & de Frise, qui leurs sont uoyfins,
 pourront tumber au pareil inconuenient.
 Je crain en troizieme lieu que le royau-
 me de Boheme ne soit subiect à quelques
 troubles & changemens, car ce pays là &
 les habitans d'iceluy, sont uolontiers frap-
 pez de quelque defastre toutes & quantes
 fois que l'eclipse du Soleil se fait au signe
 de Cancer, pource à mon iugement que la
 dicté eclipse uiët alors du diametre du Ca-
 pricorne, sous le quel signe du Zodiaque,
 le pays de Boheme print le nom de royau-
 me, cōme nous auōs mōstré en autre lieu.
 Aussi les exemples du temps passé peuuēt
 accroistre nostre peur, entendu que l'an
 1424, lors que se fait une pareille eclipse
 quelques Princes d'Alemaigne enuahirēt
 le royaume de Boheme par trois endroitz,
 puis l'an 1433, en semblable eclipse les Bo-
 hemiens s'outragerēt grandemēt les uns
 les autres, iusqu'à cruellement se carnager
 pour le fait de la religion. Et en l'an 1469,
 apres qu' une telle eclipse eut apparu au si-
 gne de Cancer, Matthias Hunniades stimu

Ic par le Pape fait la guerre aux Bohemiës ausquels il osta de force Morauie, Selesie, et Lusane. Finalement les pauures Bohemiës furent par la trahison de Cazianer desconfits, & massacrez en Hungrie par les Turcs l'an 1536. auquel an aussi estolt aduenue une eclipse de Soleil au mesme signe de Cancer. Je crain en quatrieme lieu que le pays d'Autriche, de Carinthie, ou de Stirie n'endure de grās efforts par les courses & pilleries que les Turcs y pourront faire.

Car telle chose aduint en ces pays là environ l'an 1470, lors qu'une pareille eclipse se monstra au signe de Cancer. Le royaume de Poloigne, avec ses regions adherētes, et le pays de Prussie doiuent grandemēt craindre que leurs maistres & gouuerneurs ne soyent changez par quelques factions domestiques, ou par quelques efforts estrāgers. Car le signe de Cancer domine sur la Prussie, et le Roy de Poloigne ha le mesme signe en son horoscope. Outre ce, la constitution des planettes pres de l'eclipse en signe & en lieu du Ciel feminins, menace de mort quelques Roynes, & quelques dames illustres, celles-là principalement qui demeurent es prouinces subiettes au signe de Cancer, ou qui sont nées souz iceluy. Il y a un grād seigneur qui ha Iuppiter pour dominateur en sa natiuité ioignant la Lu-
ne

ne au signe de Cancer, auquel lieu nostre
 eclipse aduient, & ses planettes ensemble,
 pource qu'il se garde hardimēt de trop la
 scher la bride à ses affections, & d'estre se-
 duiēt par quelques fauces persuasions, au
 moyen desquelles il pourra subitement, &
 à l'improuiste encourrir grandes pertes,
 troubles, & angusties tant de corps que d'
 esprit, cōme ainsi soit que Saturne & Mars
 possèdent en la figure de sa natiuité. Le
 commencemēt du Taureau pres la maison
 douzième, & que l'un des deux est situé en
 son detrimēt. Pour dire en somme ceste e-
 clipse ne nous promet qu'une infinité de
 changemens, de calamitez, de mortz, tue-
 ries, larrecins, brigandages, et desolations
 en plusieurs prouinces, à cause des enor-
 mes pechez que le peuple cōmet en toutes
 parts. Toutes lesquelles choses ie pēse de-
 uoir aduenir depuis le cōmencement de la
 primeuere de l'an 1564. iusques à la fin de
 l'esté de l'an 1566. pendāt lequel interualle
 de tems les effects de ceste eclipse monstre-
 ront leur uertu. Ce que ie ne uoudrois si
 hardimēt prognostiquer par la seule signi-
 ficatiō de ladite eclipse n'estoit que la gran-
 de, & dernieremēt aduenue cōiunctiō des
 plus haultes planettes qui conioinēt ses
 forces avec celles de l'eclipse, me stimule à
 le predire ainsi, car l'une augmente la mali-

ce de l'autre, & entasse un mal sur l'autre. Et combié que ceste grande cōionction de planettes ait cōmencé l'an 1563. au moys de Septēbre au cōmencemēt du signe de Leo, si est-ce qu'elle aura son impression plus pleine, & plus parfaite l'an 1564. pource qu'en c'est an ladite cōionctiō se fera deux fois, premierement au moys de Ianuier au premier degré de Leo, puis au moys d'Avril au 29 degré de Cancer. Qui plus est et chose beaucoup plus rare, enuirō la fin du moys de Iuing, & le commencement de Iuliet l'an 1564. presque toutes les planettes s'assembleront au signe de Leo qui est le plus excellent de tous ceux du Zodiaque, & qui entre tous les astres du Ciel, est orné des plus illustres & esclairantes estoilles : à cause dequoy les astrologues ont dict que il ne domine que sur les choses hautes & sublimes, cōme sur les Roys, les Princes, les hommes genereux, & sur ceux qui sont establis au gouvēnemēs des Republiques. O chose admirable & prodigieuse. Pensez à vous Roys & Princes de profession tant ecclesiastique que seculiere, adressez uos prieres au Createur de toutes choses, & amendez uostre uie, car uous estes menacez d'une infinité de maux, de paunrerez, de tribulations, d'exils, & d'emprisonnemens tant pour auoir contemnē le

le miniftre de la parole de Dieu, que pour
 auoir eſté non chalans & pareſſeux en vo-
 ſtre gouuernement. En quoy n'attendez
 que les diſſentions & que relles, qui s'eleue
 rôt entre uous s'aſſopiſſent par le moyẽ de
 quelque affinité, ou par quelque autre eſpe-
 ce de pacification cõme autresfois on a ueu
 faire, ains pluſtoſt aſſeurez- uous que quãd
 uoſtre debat ſemblera ſe deuoir appaiſer, ce
 ſera lors que uos haines s'augmenterõt de
 moitié, & que pas ie ne ſcay quelle impatiẽ-
 ce, auarice, ambitton, & conuoitiſe de uen-
 geance uous- uous attacherez de plus bel
 le iuſqu' à uous tuer les uns les autres, ou
 chaſer en exil, apres que uos biens auront
 eſté perdus. Ie penſe de uray que depuis
 huiẽt cens ans, n'y a eu telle, ne ſi grãde cõ-
 ionction de planettes au ſigne de Leo, &
 qu'il n'y en aura de ſemblable d'icy à huiẽt
 cens ans à l'aduenir. Il s'en feit une pareille
 l'an 769. uers la fin du ſigne de Cácer, & le
 cõmẽcemẽt de celui de Leo, lors que Char-
 lemagne paruint à la couronne du royau-
 me de France, apres le trespas de ſon pere
 Pepin. Et comme en ce temps- là ſe feit une
 grande mutatiõ au gouuernemẽt de l'em-
 pire : car l'un s'adiugea la Monarchie O-
 rientale & l'autre l'occidentale, ainſi main-
 tenãt les choſes ſe changeront, nouuelles
 loys & ingements ſe donneront, les Prin-

ces se ligueroient, de sorte qu'il y a grandement à craindre que l'empire ne uienne à se diuiser à cause de la diuersité qui sera en la Religion, car les uns uoudrōt auoir un tel Prince pour Empereur, & les autres ne l'accepteront, ains en prendront un autre. D'auantage cōme plusieurs griefues guerres uindrent apres ceste grande cōionctiō es pays de France, d'Italie d'Hespagne, de Saxe, & es autres lieux de la Germanie, pour la conuoiſe de commander, pour le mespris de la Religion, & pour auoir esté plus attēſ à son proufit particulier, qu'au public. Ainſi quelques guerres pourront ſuyure ceste derniere conionction de l'an mil cinq cens ſoixante trois, poſſible aux meſmes prouinces, & pour les meſmes occasions, que nous auons dict. Dont ſe fera qu'inopinémēt ſeront trāſportez les Royaumes, & les principautez des familles, qui les auront, à une autre famille toute ſeule, tellement qu'au lieu de deux ou de trois qui regnoient, un ſeul Prince ſe ſaiſira de tout. le preſage que comme en ce temps là le Seigneur Dieu excita ce uertueux Charlemaigne pour aſſeurer ſon Eglife entre les peuples mutinez les uns contre les autres, & pour les contenir ſouz une certaine discipline de loys, & de bonnes mœurs lors qu'il fuſt inſtalé à l'empire apres que
tous

tous les troubles y furent appaisez ainſi
 qu'apres ceſte recente conionction il don-
 nera à noſtre Europe languifſante quelque
 prince puiſſant, induſtrieux & magnanime
 qui remettra en bon ordre l'empire tout
 deſordonné, reſtaurera les bonnes diſcepli-
 nes, deliurera l'Egliſe de la tyrannie dont
 elle eſt oppreſſée, & par ſa grâde liberalité
 remettra les lettres en leur premiere fleur.
 Que ſi tu es celuy, ô Ceſar Maximilian,
 que nous demandons maintenant que
 l'empire grandement trauaillé ſemble deſi-
 rer ſur tous autres, & que l'Egliſe affligée
 de tant d'infortunes appelle pour ſon re-
 ſtaurateur. Je ne puis faillir à le bien augu-
 rer, uoire à fermement me le perſuader par
 les circonſtances qui ſ'enſuyuent. Car ie
 trouue en premier lieu que le commence-
 ment de ton regne eſchet preciſement au
 temps de ceſte conionction, comme il ad-
 uint auſſi à l'Empereur Charlemaigne, &
 que les planettes principales de ta natiuité
 ſont fort alliées à ladiſte conionctiō, pour
 ce que Iuppiter dominateur de ta natiuité
 eſt ſitué au ſigne de Cancer, & que Mercu-
 re gouuerneur de l'aſcendant ſe conforme
 au Soleil au ſigne de Leo, duquel l'eſtoille
 fixe & beneuole du Roytelet n'eſt beau-
 coup elōgnée, dōt il appert que les planer-
 tes ſeigneuriantes en icelle natiuité ſont ſi-
 zucées

nées és signes du Zodiaque, esquelles au-
 siceste cononction est faicte. Qui plus
 est Saturne & la Lune non pirement col-
 loquez que s'ils estoient en leur exaltatiō
 se uiennent ranger aux deux autres planet-
 tes desia dites. Ainsi en ta natiuité relui-
 sent les dignites de quatre planettes fauo-
 rables à ta grandeur, cōme ainsi soit qu'el-
 les se regardent de aspects fort gracieux
 & soyent routes situées en endroicts du
 ciel bien fortunez. Telles constellations et
 telles asietes d'astras si bien fortunez ne
 se trouuent que rarement és familles des
 Princes de nostre temps. Je cognois (ou
 peu s'en faut) les natiuitez de tous les
 Princes de l'empire, uoire des Roys de
 toute la Chrestienté, mais ie n'en troue un
 seul à qui tant de planettes soyent assisten-
 tes en leur dignites essentielles, & qui ay-
 ent si prochaine affinité avec la grande cō-
 ionction, excepté un Prince encor bien ieu-
 ne qui pareillement est issu de la maison
 d'Autriche. Iay bien uoulu toucher ce
 poinct en passant, à fin que chacun enten-
 de de quelle importāce est la natiuité d'un
 homme, laquelle conuient avec la genera-
 le influence des astres, comme on peut a-
 uoir cogneu en celle de l'Empereur Char-
 les cinquième ton oncle, qui eut quatre
 planettes principales au signe des pois-
 sons,

sons, & au commencement de l'empire, du
 quel se fait une grande conionctiō de pla-
 nettes au mesme signe, chose qui du tout
 conuenoit avec sa natiuité, & de laquelle
 semble estre procedée la grandeur des heu-
 reux euenemēs qui luy sont reuscis en tou-
 tes ses entreprinſes. Mais puis que ie suis
 entré si auant, ie n'oublieray à dire, ô Roy
 Maximilian; que tu es le premiet de la mai-
 sō d'Austriche, souz lequel le triāgle ignée
 commence de uenir, entendu que tes de-
 uanciers, comme Rodolphe de Haspurg,
 & ceux qui l'ont par apres suyui, ont en-
 tré au gouuernement de l'empire, souz le
 triangle aërè, puis Albert 2. Federic 3. & les
 autres d'apres, ont eu ledit gouuernemēt
 souz le triangle aquatique. Et main tenant
 que le nouueau triangle s'approche, c'est
 un argumēt certain que le temps nous ap-
 portera des mutations repentines & uiolē-
 tes, comme il est tousiours aduenue, quand
 un triangle cessar, un autre a commencé, &
 principalement lors que lignée a suyui l'a-
 quatique. Ainsi que desia nous l'auons e-
 sprouué par deux fois, asçauoir du temps
 de Iule Cesar, et d'Auguste auquel ceste Mo-
 narchie Romaine fust establie par grāde ef-
 fusion de sang, puis du temps de Charle-
 magne & de son pere Pepin, au quel la mes-
 me Monarchie presque du tout ruinée se re-

C

staura

flaura quelque peu. Maintenant ce triangle
 retourne pour la troisieme fois & ses ef-
 fects seront cogneuz aussi bien que les au-
 tres. Mais ie retourne à mon subiect pre-
 mier pour ce qu'incontinēt apres ceste grā-
 de conionction de planettes se fera une as-
 semblée presque de toutes les planettes au
 signe, de Leo, enuiron la fin du mois de
 Iuin, & le commencement du mois de Iulit
 let l'an 1564. Ie iuge par cela deuoir appa-
 roistre une horrible Comete, car souuen-
 tesfois telles congregations de planettes
 en signes ignées prelagent ces come-
 tes, nous l'auons ueu l'an 1434. auquel fut
 ueuē une Comete, & quelque peu au pre-
 cedent les planettes s'estoyent congregez
 au signe de Leo, puis l'an 1556. au mois de
 Mars se fait pareille assemblée au signe du
 Monton, & bien tost apres suyuit une co-
 mete. Si donc la Comete aduiet au temps
 que i'ay dit, les chaleurs seront ardentes,
 & la secheresse de l'an causera grāde cher-
 té de uiures, qui plus est les efforts de l'ecli-
 pse du Soleil, de la grande conionction des
 planettes, et de la Comete escherrōt en mes-
 me tēps, & par la concurrence de ces trois
 nous sont prognostiquez prou d'euene-
 mens dangereux: que si d'auanture ladiēte
 Comete n'apparoist, quelques autres pro-
 digieuses impressions se monstreront au
 ciel

ciel, foudres & tempestes accompagnées de gresles, et tonnerres nous porteront en nuy, pource qu'il y aura grand discord entre l'eclipse, & la grande cōionction, à cause que les significations de l'une tireront au froid & à l'humide, & les significations de l'autre à la secheresse & chaleur, dont prouviendra une temperature inegale en l'air, pour la mutuelle infraçtiō de ces qualitez contraires, & signamment prou d'esclairs, & de tempestes. Toutesfois la uertu de la conionction sera plus forte que celle de l'eclipse, nommément au mois de Iuing & de Iuillet 1564., pource qu'en ce temps là routes les planetes presque uoyagerōt par le signe de leo qui est chaud & sec, & au mois de May & de Iuing 1565, & 1566. pource que Mars naturellemēt chaud occupera un signe chaud & sec, aussi Saturne se conioindra situé en signe ignée. Et à cause que ladicte grāde conionctiō de planettes s'estēd beaucoup sur le cōmencemēt du signe de Leo, comme pareillement elle feit le trentequatriesme an apres la natiuitē de Iesu-christ à sçauoir un an apres sa diuine ascension, lors que ses Apostres allerēt prescher l'Euangile par le monde uniuersel, il nous faut esperer que la pure sincere doctrine de l'Euangile sera par tout preschée, uoire au lieux ou parauāt elle n'auoir estē qu'en

C a moque.

mocquerie & derision. Mais que comme le
 royaume de Christ n'a esté erigé que par ef-
 fusion de sang, tout ainsi la propagatiō de
 l'Euangile sera accompagnée de plusieurs
 calamitez, & Satan s'efforcera de l'empê-
 cher par diuerses heresies. D'auantage il
 nous conuient attendre de ceste grande
 conionction, la cognoissance & reuelation
 de plusieurs sciēces cachées iusqu'à ce iour
 & la perfection totale de plusieurs choses
 de bien grande importance, tant seront a-
 lors les esprits des hommes subtils & indu-
 strieux à bien chercher. Plaise au souuerain
 Dieu que toutes ces choses se façēt à sa gloi-
 re, & au salut tant de l'Eglise que de la Re-
 publique. Je pense auoir suffisamment ex-
 pliqué les effects de ceste grande conion-
 ction au moins selon l'intelligence que les
 preceptes d'Astrologie m'en peuuent don-
 ner, pource il me semble bon de n'en par-
 ler d'aduantage, apres que i'auray ramētū les
 dicts effects deuoir durer par l'espace des
 cinq ou six prochaines années durant les-
 quelles ceste grande conionction enfante-
 ra les merueilles que i'ay dites. Encor ad-
 iousteray ie que ceux là principalement se
 sentiront de ces influences celestes, qui en
 leurs natiuitez ont le signe de Leo pour
 horoscope, avec quelques planettes assi-
 stentes, ou qui ont les planettes superieu-
 res

res situés au mesme signe du Zodiaque ou en la natiuite desquels le luminaire du temps, & le dominateur de la natiuité, ou de l'horoscope est situé audit signe de Leo. Je cognoy quelques Princes d'Allemagne qui ont de semblables figures en leurs natiuites, le premier ha le signe de Leo pour ascendant, avec le Soleil & Mercure, en la natiuité du second Saturne & Iupiter residēt en la dixiesme maison de Leo, le troisieme ha le signe de Leo en son Horizon, auquel s'approchent de bien pres les planettes de Mars, de Mercure, & du Soleil, le quatriesme est nay estant en son horoscope le signe de Leo, qui pareillement est occupe de Mercure, de Mars, & de Venus, en la natiuité du cinquieme, la Lune, & le luminaire du temps occupent le Leo, se trouuant offensé de la malignité de l'un & de l'autre, situé au signe du Toreau, en la natiuité du sixieme Venus maistresse de l'horoscope, & gouvernante des luminaires, possede le signe de Leo. Tous lesquels seigneurs aurōt beaucoup d'affaires à desmeller, pendant que dureront les effects de nostre grande cōiunction, & seront occasion de beaucoup de changemens dangereux. En general les prouinces & uilles suiuettes au premier quadrangle du Zodiaque participeront à ces malheurs. Les

hommes aussi qui en leurs natiuitez ont l'horoscope, le Soleil, la Lune, le mitan du Ciel, ou quelque autre des cinq planettes au septieme degre, ou enuiron de Cancer, du Capricorne, de la Liure, ou du Moutõ. Or il est ainsi qu'entre les regions suiuettes à ce premier quadrangle, sont comprinses Gaule, France, le duché & compré de Bourgogne, le royaume d'Escoffe, Holãde, Zelande, Sauoye, Daulphiné, Germanie, Hesse, Turinge, Pologne, Saxe, Autriche, Grenade & plusieurs autres, sur quoy le bien aduise lecteur pourra philosopher ce que bon luy semblera. Car ie di d'auantage que les regions suiuettes au signe de Leo seront infestees de grandes esmotions de guerre, & que le royaume de Boheme doit estre cause de grans changemens en la terre de l'empire, en Italie, es prouinces Occidentales, & Septentrionales. I'ay les propheties anciennes d'un quidam, par lesquelles il nous assure qu'en ces derniers temps, sortira de la forest un lyon rugissant, qui deschirera de ses dens & de ses griffes plusieurs bestes des champs, & par une force indicible establiera son domaine, ce que l'interprete du royaume de Boheme, es armoiries duquel est un lion à double queue enuironne d'une forest, comme d'un mur naturel.

Ceste

Ceste prognostication faite ainsi generalement, selon l'eclipse du Soleil & la situation des corps celestes de l'an 1563. est deuëe en particulier par Cyprian, & par Samuel Syderocrates, comme il s'ensuit.

1564.

C Y P R. Par la reuolution de cest an, nous n'auons signification que de haines & dissensions entre les Rois & Princes occasionnez de prendre les armes, & se faire la guerre, dont le peuple s'offencera, insqu'à conspirer occultement, & se partialiser en factions. Quant à la disposition du temps nous sommes menacez de longues pluyes qui feront desborder les eauls, & pourriront les biens de la terre, sans qu'ils puissent uenir à maturité, les tempestes de mer causeront plusieurs naufrages, & desoleront quel ques uilles maritimes.

S A M. Le dernier iour de may, 1564. se fait une assemblée de Saturne & de Mars, pres de la mangeoire, en l'asterisme de Cācer, le 13. de Iuin se conioignēt Mars & Iupiter, & en Iuillet se trouuent cinq planettes au signe du Lyon, de sorte qu'outre les effects que l'eclipse solaire del'an precedent, monstrera en ceste année 1564. se fera à cause de la secheresse intolerable, des impressions ardentes, de conflagrations, mouuemens de terre, ruine d'edi-

C 4 fices,

40
fices, maladies pestilentes, foudres brus-
lans, sterilitez, & autres maux infinis.

1565

CYPR. Les euénemens de ceste année
sont semblables à ceux de la precedente,
pource on les doit recueillir de la, excepté
qu'ils seront pires que les premiers à cau-
se de l'oppositiō, presque partiles de deux
malignes planettes. Specialemēt sont pro-
mises plusieurs calamitez aux grans sei-
gneurs tant seculiers qu'ecclesiastiques, la
ruine desquels, l'exil & la mort se montre
par les signes, aussi fait une contagieuse
pestilence.

SAM. Mars & Mercure menagent les
roys Princes & grans seigneurs d'exils et
de calamitez, à quelques uns font offre de
la mort, signifient changemens & dissen-
sions, tant en l'Eglise, qu'en l'estat politi-
que, contentions & debats entre les Theo-
logiens, dangers és uoyages, qu'on entre-
prendra, destructions d'edifices, maladies
urgentes, Venus toutesfois receuë de Ju-
piter en l'apogée de son eccentrique nous
promet quelque abondance de uin & de
bleds, plusieurs mariages & plusieurs en-
fans qui puis apres en sortiront.

1566.

CYPR. Le 28.iour d'Octobre 1566. sera
eclipse de Lune, de 18. points (comme dit.

Samuel)

Samuel) laquelle commencera mettre ses
 effectz en uertu sur la fin de la mesme an-
 née 1566 asçauoir au Moys de Nouëbre, &
 les terminera au moys de Mars 1567. Ce-
 ste eclipse est située en la maison douziè-
 me non loing de la teste d'Algol, & impu-
 gnée par Mars, à cause dequoy les prison-
 niers & les bannis sont menacez de beau-
 coup de maux, les cheuaux mourront
 excessiuelement, & le bestail aussi, les
 freres, cousins parens & amis se perse-
 cuteront les uns les autres par haines irre-
 conciliables. On semera des bruits estran-
 ges dont quelques uns tomberôt en grãd
 crainte, car le lieu de l'eclipse cōmande à la
 troisieme maison. Venus maistresse de ce
 lieu d'eclipse, & occupant la sixième, pro-
 met aux hommes suyuantz ordinaiemēt
 la cour une uie malheureuse, & au sexe fe-
 menin, de façon que malheur aduiendra
 à quelques dames illustres, nous menace
 aussi d'une infinité de maladies, comme de
 calcul, de retention d'urine, d'inflamma-
 tion de foye & de flux de sang, fait d'auāra-
 ge que les uoïfins entrerôt en contētiō sur
 le faict de leurs limites, & sur la préeminē-
 ce de leur domaine, à cause dequoy feront
 de grandes depenses, & tumberôt en dan-
 gereux perils, les seruiteurs ingrats en-
 uers leurs maistres, leur iouërōt de mes-

chans tours, & les trahirōt mal heureusement, ce que Iuppiter participant en l'eclipse, & situé au mesme lieu procure. Toutes fois de tous les accidēs ainsi comptez par ordre, quelques uns seront durs & acerbés, quelques autres assez douz & paisibles car si nous regardōs le naturel de l'eclipse, il ne nous promet que toute austerité en ces euenemens iusqu'à les prendre au plus haut degré de mal, pource que le corps de l'eclipse profonde auantageusement en la pyramide, de l'ombre de la terre. Mais si nous respectons la cononction de Iuppiter & de Venus, il nous conuendra interpreter ces maux en mediocrité, qui nonobstant inclinera plus à mal qu'à bien, consideré que les rayons opposites de Mars atouchent au lieu de l'eclipse, ceux là nomément seront assaillis de ces incommoditez en la nariuité desquels le lieu de leur horoscope, du Soleil, de la Lune, du miran du ciel, de la part de Fortune, & des autres cinq planettes paruiendra au 15. degré ou enuiron du Taureau, du Scorpion, du Lyon, ou du uerseur d'eauë. Aussi les regions & uilles comprises souz le second quadrangle du Zodiaque, & souz la planette de Venus, y seront subiettes, l'eclipse toutesfois nuira plus aux peuples Orientaux, qu'aux Occidētaux, pource qu'ils
la

la uerront plus pleinement, & les Occidē
raux plus imperfectement. Comme Sa-
muel a bien noté.

S A M. L'eclipse de Lune qui aduiendra le
28, iour d'Octobre 1566. sera de 18. poinct,
ainsi que i'ay peu recueillir du mouuemēt
du Soleil, & de la Lune deduiēt au uray,
selon les plus correctes Ephemerides de
Stadius, & commencera à deux heures 39.
minutes dudiēt iour, se terminant à six heu-
res 25. minutes, combien que la suppu-
tation d'Alphonse monstre le milieu de
cette eclipse deuoir estre à cinq heures &
23. minutes, le commencement à 3. heu-
res 32. minutes, ses effects auront plus de
uertu sur les Orientaulx, que sur les peu-
ples d'Occident, pource elle me semble
menacer les Turcs de quelque grande des-
confiture, les prisonniers & les bannis
d'extreme calamité, les freres, & les amis
d'inimitiez mortelles, aussi entendu que
la Lune est maistresse de la troisieme, il y au-
ra beaucoup de danger par les chemins, &
peu de fidelité aux seruiteurs. Venus est do-
minatrice de la Lune, & de l'ascendant en
la sizième, en sa propre maison, avec lapi-
ter & Mercure, pour cela Venus & lapi-
ter (ainsi que dit Ptolomée) promet-
tent fertilité & abondance de biens,
paix, mariages tranquilles, augmenta-
tion

tion de richesses, reuerēce au faiēt de la Religion, aēr bien temperé, & pluyes fort fécondes à ceux sur lesquels l'eclipse estendra sa signification. A ce compte apres le temps nubileux uiēdra quelque repos aux suiets Mais cela sera de petite durée.

1567.

CYPR. Le neuuēme iour d'Auril 1567. enuiron Mydi aduiendra une grande eclipse de Soleil au 29 degré du signe d'Aries, les effects de la quelle cōmenceāt en la saison d'Autumne, de la mesme anée 1567. & finirōt sur la fin de l'an 1569. Il me souuient que l'an 1540. apparut une eclipse de Soleil presque toute entiere, & qui mesme aduint en la derniere face d'Aries comme celle dont nous parlons maintenant. Je ne ueux faire denombrement des calamitez qui les ans d'apres et tout immediatement affligerent l'Europe, car ceux qui ont esté de ce temps-là peuuēt rendre suffisant tesmoignage, seulēmēt ie ueux dire que telles calamitez ou leurs semblables sortiront de ceste presente eclipse, il ne faut donc douter que nous n'ayōs de grādes secheresses, de uehemētes chaleurs, & pource grande chereté de uiures, de fortes guerres, de grās embrasemēs & depeuplemens de uilles. L'estat des capitaines & des gēdarmes sera calamiteux: car plusieurs d'ent'eux mourront

mourrôt de faim, & de dysenterie, la plus-
 part ne sera payée de ses gages, & qui pis
 est pour eux, ils serôt carnagez à tas par tra-
 hison, ou par quelque autre sorte, cōme cy
 apres nous specifierōs. Veritablemēt nous
 n'auōs eu eclipse aucune si dangereuse ne
 rāt à craindre, depuis l'an 1544. & n'en au-
 rōs de lōg tēps une si horrible, entendu
 qu'elle ne nous tormētera seulemēt par ses
 effects, mais aussi par ceux de la grāde con-
 ionctiō des planettes, dōt nous auōs desia
 parlé, qui s'estendrōt iusqu'au tēps de la di-
 cte eclipse. A' cause desquelles deux cōstel-
 lations iointes ensemble, ie presage plu-
 sieurs lamētables infortunes deuoir adue-
 nir specialemēt au pays de Germanie, & de
 l'empire, qui a esté trāsporté de Frāçois aux
 Saxōs, sous la conionctiō des plus hautes
 planettes au signe d'Aries, avec ce qu'ordi-
 nairemēt s'esleuent de grās troubles en la
 Germanie & en l'empire iusqu'à chasser ou
 mettre en prisō leurs souuerains seigneurs,
 quand il se fait quelque eclipse audict si-
 gne d'Aries, cōme estant celuy qui cōman-
 de au pays de Germanie, ceque ie pourrois
 mōstrer par plusieurs exemples, & premie-
 remēt par celuy de l'Empereur Sigismond,
 qui chassé du royaume de Boheme, ne
 fit que rauder çà & là en Germanie, cōme
 s'il eust esté en exil & ce es années 1418, &

1419, auquel temps aduint une telle eclipse au mesme signe d'Aries. Pareillement 1485. en aduint une toute semblable, & biẽ tost apres Maximilian ia designé Roy des Romains fust arresté prisonnier en la uille de Bruges en Gaule Belgique. Je iuge en second lieu les chaleurs & secheresses deuoir estre si grandes, que les plus profondes riuieres serõt gaiables, & les moindres seront toutes taries, pource que ceste eclipse sera en un signe ignée. Les embrasemens en plusieurs lieux feront de grans dommages, & la cherté sera fort grande, comme ia nous auons dit. Puis à raison que la dicté eclipse se fera au domicile de Mars, les soldats Alemans sont menagez de biẽ outrageux carnages qui leur aduiendront en guerre par la trahison, ou par la paresse de leurs capitaines. Comme il leur aduint aussi es années 1540, & 1541. esquelles une eclipse semblable monstra les effects de sa rigueur en l'extremité du signe d'Aries. Tiercement i'ay predict quelques riches & puissantes uilles deuoir estre batues prises & saccagées par quelques Princes, iusqu'à endurer le pillage de tous leurs thresors & perdre leurs priuileges et franchises. Car il me souuient que la uille de Ratisbone fust prise par le duc de Bauiere, l'an 1485. peu apres qu'u-

ne telle eclipse eust apparu au signe d'Aries, et que la uille de Florence, apres auoir esté long temps assiegée par les gens de l'Empereur Charles & du Pape Clement, fust mise en seruitude l'an 1530. lors aussi que l'on auoit ueu une pareille eclipse.

Quartement mon opinion est que plusieurs seditions aduiendront à cause de la seruitude, en laquelle on uoudra tenir la plus part du monde, d'auantage qu'à raison d'une guerre esleuée entre les Euesques & les Princes de Germanie, se commettront plusieurs meurtres, desolations & pilleries au transport des domaines, dont s'ensuiura la fuite de plusieurs personnes. Finalement il faut noter que l'eclipse de laquelle nous parlons maintenant, apparoitra à quelques uns de l'Europe, en la maison neufiesme, & à quelques autres en la dixiesme, au pays de ceux qui auront receuë en la neufiesme, grandes mutations aduiendront en la Religion, les principaux de l'Eglise mourront ou seront mal traitez : mais au pays de ceux qui l'auront ueuë en la dixiesme, ce changemēt & trouble se fera en l'estat politique, de sorte que non les prestres, mais plustost les seculiers principaux & de marque, cōme les mieux uersés en la discipline militaire rumberōt en grand danger de mort.

S. M. Ceste eclipse sera de 10. poinçts, et 26. scrupul. ascendât le 8. degré du Lyon, le Soleil la Lune & Mercure situez en la dixième, Mars en la neuvième, Iuppiter en la quatriesme, & Saturne en la seconde, Mars est dominateur de l'eclipse, & le Soleil dominateur de l'anglet suyuant, que Mars aussi dispose, pource deuõs nous attēdre des chaleurs extremes, des guerres, des seditions intestines, des tumultes populaires, des emprisonnemēs, desolatiõs de uilles, courroux & indignatiõs, & mors subites de Princes. Outre ce plusieurs fiebures tierces, fluxions de sang, maladies aigues, morts de ieunes hõmes, uiolēces, iniures, rapines, bruslemens, homicides, uents en fair excessiuemēt chaulds, pestiferes et contagieux, foudres, tempestes & grādes secheresses, dont les biens de la terre serõt grandement interessez, pour estre bruslez de trop grāde ardeur, auāt qu'estre recueillis, ou apres qu'ils auront esté serrez en grenier, Mars en la neuvième, & l'eclipse en signe equinoctial promettēt grand changement en la Religion, & plusieurs guerres à cause d'elle, menacent les gens d'Eglise de mort uiolente, & d'une autre infinité de maux. O Princes de Germanie, cheualiers de Pologne, seigneurs et Princes de Gaule, õ citez Imperiales, plusieurs desconfitures
vous

vous sont preparées, plusieurs d'entre vous
 serōt depossédez de leurs biens & seigneu-
 ries, plusieurs se reserōt des tumultes de
 leurs peuples, iusqu'à en estre griefuement
 oppugnez, uostre gloire & hōneur tumbera
 du tout. Car on uerra des Cometes, & des
 impressiōs fort estranges en l'air. En mesme
 façon Cypriā s'escrīe, cōme ayant cōpassion
 des pays, & des Princes qui doiuent souffrir,
 à cause de ceste eclipse, & dit ainsi. O regiōs
 & uilles cōprises sous le premier quadrāgle
 du Zodiaque, et sous les signes de la uierge,
 et des poissōns, plusieurs maux uous mena-
 cēt, uous serez oppugnez & gastez, uos thre-
 sors serōt pillez, & uostre honneur tōbera. Ô
 Roys & Princes naiz principalement souz la
 derniere partie du Moutō, de la Liure, de Câ-
 cer, ou du Capricorne, certainemēt uous se-
 rez trauaillez, uos puissances & souueraine-
 tez uous serōt ostées, uos subiets se rebelle-
 rōt cōtre uous, & uous causerōt si grās trou-
 bles, que uous ne penserez qu'à fuir. A l'en-
 droict de quelques peuples d'Europe, ceste
 eclipse aduiēdra en la dixiesme maison, aus-
 quels est signifiée grande mutatiō es choses
 politiques, & la mort de quelques Princes
 seculiers, à l'endroit des autres en la neuviē-
 me, auquel est plustost annoncée mutatiō es
 affaires de la Religion, & la mort de quel-
 ques seigneurs ecclesiastiques. Outre l'eccli-

pse de Soleil que nous uenons d'exposer; s'en fera une autre de Lune au mesme an 1567. le 18. iour d'Octobre, & de grand matin, mais elle sera de petite importace, pour ce qu'une petite portio du corps de la Lune sera offusquée de l'ombre de la Terre, à ceste cause ses significatiōs seront nulles ou bien imbecilles, toutesfois s'il en suruient quelque mauuais accident, il le faut imputer à Mars situé en la dixiesme, à Venus en la quatriesme & à la cōstitution du lieu de l'eclipse au signe du Taureau. Nous auons desia monstre entre les pays compris souz le premier quadrangle, qui sont ceux la qui nous touchent de plus pres, quant aux uilles il y en a une infinité. le trouue aussi souz les signes de la Vierge, & des poissons, les uilles de Tholoze, Lyon. Paris, Rouen, i'ay trouue aussi une partie de Gaule, Heluetie, une partie du Rhin, & le duché de Normandie.

1568.

En ceste année suyuant la uertu de la precedente eclipse se feront horribles impressions, en la moyenne region de l'air, les uires serōt chers à cause de la grande seche resse qui aura diminué les moissons, les capitaines de guerre, & les soldats serōt malheureux, pource qu'apres plusieurs travaux & calamitez, ils serōt cruellemēt occis en trahison, ainsi que ia nous auons dit, au discours

discours de l'eclipse.

1569.

Les plus tristes & facheux euenemēts de nostre eclipse se monstrent tout au long de cest an: pource les Rois & Princes se trouuent merueilleusement angustiez, tant pour la rebellio de leurs suiets, que pour le transport de leurs biens & Seigneuries. Les thresors des uilles esleuées au plus hault degré d'excellence & d'honneur seront pilliez & leur honneur perdu. En ce mesme an se fera une eclipse de Lune le troisieme iour de Mars au matin, mais elle ne descouurira ses effectes que l'an ensuyuant.

1570.

L'ECLIPSE de Lune aduenue l'an precedent, le troisieme iour de Mars au matin, & la constitutiō des astres en la figure celeste annonçe pour l'an 1570. un estat malheureux aux gens doctes, aux marchans & aux ueuues, nous promet un temps nubileux, un aēr humide, grans uents, & grādes pluyes, force conspirations & trahisons avec la uenue & les efforts d'un certain tyran, guerre entre quelques uoïfins ou parēs, à cause de leur iurisdicțiō, larrecins, mort uiolēte par desesper, destructiō de quelques nobles & riches personages. Les maladies plus frequentes serōt colique passiō, flux de uentre, tournemēt de teste, defluction de pituite &

D 2 d'humeurs

d'humeurs crus sur les nerfs, ou en l'estomach, & pource que le lieu de l'eclipse, n'est irradié de l'aspect partile & trine de Iupiter, mais plustost infecté de l'aspect opposite de Mars, les effects d'icelle nous sont encor signifiez plus grans & difficiles, tous lesquels faut interpreter pour les provinces & uilles comprises souz le troisieme quadrangle du Zodiaque, & suiettes à la planete de Mars, aussi pour les hommes en la natiuité desquels, ou reuolutions les planettes occupent le uingt troisieme degré ou enuiron du signe de la Vierge, des Poissons, du Sagittaire, ou des Lumeaux. Or il faut noter qu'en la mesme année 1570 se feront deux eclipses de Lune, la premiere le uingt tieme iour de Fevrier apres Mydi, & de nuict les effects de laquelle se monstrent la mesme année. En premier lieu elle menace un Prince ou d'emprisonnement de sa personne, ou de la perte des ses biens, & de son honneur, à cause de quelques embuscades secretes, aussi fait pericliter plusieurs autres emprisonnez, à raison de courrouz & de l'indignatiō de quelques grās seigneurs. Finalemēt elle annōce la mort à une Roïne ou aultre dame illustre, menace de pareil accident les femmes grosses, & les ieunes gēs, pour auoir māgé trop de fruiēt, & nō encore meur. Et pource que le lieu de ceste eclipse, profonde assez auant

nāt en l'ombre de la terre, sans estre irradié de l'amiable aspect de quelques benignes planettes, il s'ensuit que ses significatiōs doiuent estre plus mauuaises & nuisibles, lesquelles aussi exercerōt leur tyrannie es provinces et uilles obeissantes au troizieme quadrangle du Zodiaque, & au signe du Verseur d'eau mesme sur les hōmes es natluitez ou reuolutiōs desquels les planettes serōt au 12. degré de la Vierge, des Poissons, du Sagittaire, ou des Jumeaux. La secōde eclipse se fera le 15. iour d'Aoust apres mydi, & de nuict, cōme la premiere, ses effects serōt ueuz sur la fin dudict an 1570. & sur le cōmēcemēt de celuy qui s'ensuit. Elle menace les suietz de Iupiter, & de Venus, d'euenemens malheureux, seme entre les freres, parens, & affin des haines bien fort grandes. Qui plus est semble denoncer la mort d'un Prince illustre, ou d'un Prelat de grand renom, à cause de quoy suruiendront changemēs, avec publications de loix nouuelles, & d'ediets. Et pource que l'incidence tenebreuse de ceste eclipse est biē fort grāde, sans qu'aucune benigne planete la secoure par son amiable irradiatiō, nous deuons resoudre ses significations ne pouuoir estre que du tout preiudiciables, & pernicieuses. Ce que mesme nous attestent Saturne & Mars tous deux situez en la sixieme, & l'un desquels est dispo-

ſteur de Iuppiter, maïſtre du lieu de noſtre
eclipse. Les regiõs & prouinces gouuernées
ſouz le troizième quadrangle du Zodiaque,
& ſouz le ſigne du Verſeur d'eau, & de la Li
ure. Les hommes auſſi és natiuitez ou reuo
lutions deſquels l'horoscope, le Soleil, la Lu
ne, le miran du Ciel, la part de Fortune, et les
autres planettes occuperõt le ſecond degré
ou enuiron du ſigne des Poiſſons, de la Vier
ge, des Lumeaux, ou du Sagittaire, ſeront en
tre autres moleſtez de ces inconueniens.

1571.

Les premiers euenemens de ceſte année
ſont ià exposez au diſcours de l'eclipse pre
cedente: Quant aux autres qui pourrõt ſur
uenir ſur le milieu, & ſur la fin, il ne les con
uient ſi mal interpreter que l'iſſue n'en ſoit
aucunement bonne, pource qu'une recon
ciliatiõ & tranquillité nous eſt ſignifiée, par
la puiſſante & amiable conionctiõ de Iupi
ter, & de Venus, en figure celeſte, qui eſt de
telle efficace qu'on n'en ſçauroit deſirer une
meilleure.

1572.

Le 25 iour de Iuin en ceſt an 1572. ſe fera e
clipse de Lune, qui produira ſes effect̃s en la
meſme année, toutesfois ſans rigueur aucu
ne, & danger des hommes qui lors ſerõt en
uie, à cauſe dequoy ne nous empescherõs à
en faire particuliere enumeration, car ils ſe
ront doux & amiables.

A cauſe

1573.

A cause que les effectz de l'année precedente ont esté tels que ceste-cy n'en peut endurer mal, & que sa cōstitutio est toute bonne, elle sera toute pacifique, proufitable & fertile, en ce qui peut concerner le fait de la susdicte eclipse: toutesfois elle dōnera quelques occasiōs d'inimitiez & haines pour les ans d'apres, à cause de l'eclipse de lune, qui se fera le 8. iour de Decēbre audict an 1573. & mettra les effectz en uertu l'an 1574.

1574.

Pource que le lieu de l'eclipse precedente profōde assez en la pyramide del'ombre de la terre, & qu'il n'est favorablemēt regardé d'aucune benigne planette, ses significatiōs seront grandes & atroces en cest an present 1574. plusieurs fines & cauteleuses entreprinſes se feront, les Mercurialistes & Saturniens setrouuerōt en assez mauuais point, la chaleur sera grande, & la secheresse qui en suruiendra sera cause de la cherté des viures, et de la perdinō de plusieurs bestes, les amitez & alliances se dissiperōt, les enfans s'esleuerōt cōtre leurs peres, & cōspireront cōtr'eux, les cōfederations de quelques seigneurs serōt rōpues, à cause de quoy se fera un appareil de guerre, plusieurs maladies suruiendrōt aux hōmes, mesme une Roynie, ou quelque autre dame illustre clorra son

dernier iour, quelques uns seront allechez par douces parolles & flateries, puis incontinent emprisonnez, à cause de quelque ancienne faute par eux commise, le peuple s'esleuera contre ses magistrats pour la diminution du thresor public, ou pour les folles & inutiles despenses par eux faictes. Tous lesquels accidens rumberont, principalement sur les pays & uilles gouuernées souz le troizième quadrangle du Zodiaque, et obeissantes à la planette de Saturne, aussi sur les hommes, en la natiuité desquels ou reuolutions les planettes occuperont le 27. degré ou en uiron des Lumeaux, du Sagittaire, de la Vierge, ou des Poissons. Au mesme an 1574. se fera une eclipse de Soleil, le 13. iour de Nouembre, sur le uespre apres Mydi, laquelle monstrera ses effects és années 1575. 1576. & 1577.

1575.

L'eclipse de Soleil maintenant exposée ne sera tant preiudiciable aux peuples de Germanie ny aux Oriëtaux, qu'à ceux de la partie Occidëtale, pource qu'ils n'auront qu'une partie de ladicte eclipse en leurs pays, encor sera elle bien petite, & presque incomprehensible, dont s'ensuyura que ses effects & uertus y auront bien petite uigueur. Ainsi seront ceste année les peuples d'Orient en grande tranquillité & abondance de biens, mais plusieurs occasions de mal se presenteront

ront à ceux d'Occident, qui les ans d'apres en auront l'experience.

1576.

En cest an au moyen de la precedente eclipse de Soleil seront grandes chaleurs & secheresses, dissentions capitales entre les freres, alliez & amys, griefues exactions, tributs & tailles, dont le peuple se sentira molesté, & sera tout prest de faire rebellion, une partie de la noblesse monopolera quelque defectiō, grands debats sourdrōt à cause du douaire des femmes, & du droict de souveraineté, esmotions de guerres bien dangereuses, bruslemens & pilleries de uillages & de chasteaux, mors de Princes & de Seigneurs illustres, changemens tant en la Religion, qu'en la police, dont toutesfois les Orientaux (comme jà nous auons dict) se sentiront peu ou nullement molestez, resignant tout ce mal aux Occidentaux, subiets au troisieme quadrangle du Zodiaque, & au signe de Cancer, Audiēt an 1576. sera eclipse de Lune, le 7. iour d'Octobre apres mydi, & de nuict, qui outre les effects de la precedente eclipse Solaire, causera quelques autres malignitez en l'année 1577. communes tant aux Orientaux qu'aux Occidentaux, toutesfois ceux d'Occident s'en trouveront plus mal.

D 5 Les

1577.

Les effets de ces deux eclipses, l'une Solai-
re, & l'autre de Lune cy deuant exposées,
ont leur concurrence en cest an 1577. pource
ne se peut faire, qu'elle n'aille aussi mauuais
train que la precedente année. Encor pour
accroistre son mal se fera le second iour
d'Auril audir an une eclipse de Lune, les ef-
fects de laquelle apparoiront tout aussi
tost, & se iointront aux effects des deux ecli-
pses precedentes, outre lesquels nous ap-
porteront plusieurs calamitez à cause des
femmes, la mort d'une Royne, ou de quel-
que dame illustre, seditions, larrecins, homi-
cides, bruslemens, paillardises abomina-
bles, persecutions, & captiuité de quelques
gens de Religión, de quelques ambassadeurs
de court, & d'hommes Martiaux, le 27. iour
de Septembre audict an, de bien grand ma-
tin, se fera encor une autre eclipse de Lune,
dont les effects se monstreront l'an 1578.

1578.

Par le moyen de la derniere eclipse, vien-
dront grans changemens & persecutions
en la Religion, les ecclesiastiques se trou-
ueront en si piteux estat, que quelques uns
d'entr'eux & des principaux mourront de
dueil, la charité refroidira entre les freres, pa-
rens & amis, car il ne s'en trouuera un seul
qui se ueuille fier à l'autre. Bruits estranges
incertains

incertains & diuers courront par pays, plusieurs seront greuez de grandes exactions, les thresors ouuers, prou de chauldes entreprises, d'impostures, de fraudes & trahisons, le danger d'emprisonnement & d'exil sera grand, pour les Solaires & Mercurialistes Bref les infortunes de la douzième maison foisonneront à planté, sur ceux principalement qui seront naiz souz le 13. degré ou enuiron du signe du Mouton, de la Liure, de Cancer, ou de Capricorne, & es uilles & pays suiets au premier quadrangle du Zodiaque, & au signe de la Vierge. En la mesme année 1578. le 16. iour de Septembre de grand matin se fera eclipse de Lune, de laquelle ne faudra attendre les effects qu'en l'an 1579.

1579.

Pource que le lieu de ceste eclipse tombe en la neuuiesme maison, le gouuernement de laquelle appartient à la planete de Mars, Iuppiter, y ayant participation, ses effects sont presque semblable à ceux de l'an ia passé, toutesfois à cause qu'une petite portion du corps de la Lune est adumbré, les significations s'en monstrent beaucoup moindres, & presque de nulle uertu, de sorte qu'on les pourra aisément porter sans cheoir en grans inconueniens.

Le 34

Le 31. iour de Ianuier 1580. sera une eclipse de Lune, qui l'an mesme mettra ses effects en euidence, & pource que ladicte eclipse aduient en signe & en lieu royal, aussi qu'elle est située ioingnant l'estoille royale & fixe du Royrelet, de premiere grandeur, elle nous promet une publicatiō de loix nouuelles, avec une abrogation des coustumes anciennes, d'auantage elle apporte beaucoup de besongnes à desmeller, à un grād seigneur, qui possible transporté d'ambition, d'auarice, ou de l'instinct de quelque fortune fauorable, entreprendra ie ne sçay quoy contre son honneur & cōtre toute equité, qui puis apres le pourra faire tūber en ruine, à quoy possible presteront la main quelques gens de Religion, ou quelques ambassadeurs: de bats & procès, s'intenterōt, touchant les iurisdicțiōs & proprietiez de quelques biens immeubles, de quelques thresors, et de quelques minieres metalliques. En somme les incōmoditez de la dixiesme, neuuiesme & quatriesme maison sont promises, par le moyen de ceste eclipse, aux uilles & regiōs cōprinſes sous le second quadrāgle du Zodiaque, & aux hōmes qui en leurs natiuitez ou reuolutiōs aurōt l'horoscope, le Soleil, la Lune, le mitā du Ciel, la part de Fortune, & les autres planettes, au 22. degré du signe du

du Lyon, du Verfeur d'eauë, du Scorpion,
ou du Taureau. 1581.

La reuolution de ceste année conuient la plus part avec la precedente, pource est-il conuenable attendre pareils euenemēs en ceste-cy excepté qu'ils seront un peu moindres & nō si uiolēs du tout. Outre lesquels nous semble menacer du trespas d'une dame fort illustre & ancienne, d'esmotion de peuple cōtre ses migistrats, & de plusieurs maladies aigues & incurables.

1582.

Cest an apporte infinies aduersitez querelles & ennuyes au uieillards belliqueux, & aux riches marchans, excite diuerses maladies, comme toux, hydropysies, paralyties, gouttes, & catarres, seme debatiz entre quelques uoyfins & alliez de sang fort renōmez, signifie aussi rebelliōs de seruiteurs cōtre leurs maistres. Plusieurs monopoles se ferōt en secret, plusieurs entreprises se commencerōt, iusqu'à tumultuer à l'improuiste, & se mettre en appareil de guerre, à raison de quelques dames ueufues, ou pour la uenue d'un cruel ennemi. Finalement est signifiée la mort d'un Prince seculier, & d'un Prelat fort anciē, mais fin & rusé à l'aduenāt, l'esté & l'Automne participeront de la secheresse & de l'humidité, l'Hyuer aussi sera en partie aspre, & en partie moderé.

158

L'an 1583. au mois de May, se fera une grã
de conionctiõ des plus hautes planettes en
la derniere face du signe des Poissons, à la-
quelle succedera l'annce ensuyuãt 1584. une
assemblée de toutes les planettes, au signe
d'Aries, uers la fin du mois de Mars, et le cõ
mencemēt du mois d'Auril, puis quelque
peu apres sera ueuē une eclipse de Soleil au
20. degré du signe du Taureau, enuiron la re
ste d'Algol, estoille fixe, uiolente & perni-
cieuse, en laquelle Venus dominera accõpa-
gnée de 5. autres planettes au signe d'Aries,
& s'acheminant uers la maison 12. par telle
situation d'astres, qui se fait en signe ignée,
ie ne prognostique que l'apparition d'une
Comete de laquelle plusieurs effects esmer-
ueillables & prodigieux sortiront. Sur-
quoy i'exhorte un chacun à diligemment
ueiller, & à esleuer son esprit à Dieu, de-
peur que nous ne soyons surprins au de-
spourueu. Car ceste grande conionction est
la derniere aduenante, sur la fin du triangle
aquatique, qui finira quãd & elle, & se chan-
gera en triangle ignée, auquel les grandes
conionctions des plus hautes planettes
qui uiẽdront puis apres se feront toutes en
signes ignées, iusqu'à ce que pres de deux
cens ans soyent expirez. Apres lequel
temps succederont les grandes conion-
ctions

Etions en signes terrestres, puis en aërez, &
 finalement encor en aquatiques, sans tou-
 tesfois qu'il se face plus dedans huit cens
 ans, une autre fin de triangle aquatique.
 Car il est uray semblable, que ceste quatries-
 me Monarchie finira enuiron la fin de ce
 triangle aquatique, comme ainsi soit qu'elle
 ayt commencé en un temps semblable &
 que nostre Seigneur Iesus Christ, ayt pris
 nature humaine en mesme saison, entendu
 que six ans auant sa glorieuse natiuité, se feît
 une totalement semblable conionction de
 planettes en l'extremité du signe des Pois-
 sons, & au commencement du signe d'A-
 ries. Depuis lequel temps n'en a esté une
 semblable, sinon durant l'empire du roy
 Charlemaigne l'an 789. & celle, qui aduien-
 dra l'an 1583. laquelle indubitablement nous
 sera significatiue du second aduenement du
 Fils de Dieu, en sa maiesté & gloire, auquel
 il sera necessaire qu'un chacun rende com-
 pte de ce qu'il aura faict durât sa uie. Pource
 i'admoneste tout homme de bien & crai-
 gnant Dieu de ne contemner orieusement
 les signes desquels ie l'aduerti, & qui luy
 doyuêt seruir d'esguillō à penitēce. Car si tel
 le cōionctiō de planettes ne fust significatiue
 de la fin du mōde, sous l'Empereur Charle-
 maigne, ce n'est pas à dire qu'elle ne le soit,
 quād elle aduiēdra l'an 1583. pour ce que du
 temps

temps de cest Empereur, il n'y auoit encore
 cinq mille ans accomplis, depuis le commencement
 du monde, & pour ce la fin dudit
 monde ne pouuoit estre: mais lors que ceste
 conionction sera aduenue encor une fois, et
 que ses effets dureront quelques ans apres,
 le nombre des ans du monde declinera sur
 le sixieme millenaire, qui est le terme entier
 que les saintes propheties ont prescrit au
 monde, duquel routesois le Fils de Dieu a
 quelque peu retrache, quand il a dit que les
 derniers temps seroient abregez, en faueur des
 esleus de son Pere. Que si apres ceste conion
 ction à aduenir il nous en falloit encor attendre
 un autre, il seroit necessaire que huit
 cens ans s'escoulassent encores deuant que
 ladite conionction aduint. Ainsi le monde
 dureroit six mille quatre cens ans ou enui
 ron, chose qui manifestement repugne à la
 sainte prophetie. Je sçay bien que le temps
 auquel le Fils de Dieu viendra iuger les hom
 mes n'est cogneu de uiuant aucun, non pas
 des Anges mesme, aussi ne ueuz ie supersti
 tieusement l'asseurer: toutesfois les aduertis
 semens que i'en donne ne sont hors de rai
 son, considere que le souuerain ouurier de
 l'univers ne nous a propose en son ouurage
 tant de uarietez, tant de changemens de re
 uolutions & vicissitudes de temps, sinon
 pour nous seruir d'un certain horologe, qui
 nous

nous aduertisse du cōmencemēt, du milieu,
& de la fin du mōde: mais de peur d'oublier
la cōstitutio de la presente annēe 1583 ses ef-
fects serōt fort semblables à ceux de l'an pre-
cedent, quant aux seditions, à l'appareil de
guerre, & à la mort de quelques seigneurs
tant seculiers que d'eglise. Quāt aux saisons
de l'annēe sera la plus part humide, à cause
des pluyes cōtinues qui tumberōt, dōt les ni-
ures encheriront de beaucoup, les eauës se
desborderōt, tēpestes s'esleuerōt en la mer,
naufrages d'hōmes, & desolations de quel-
que uilles maritimes aduiendront.

1584.

C'est an, tout au cōtraire nous amene u-
ne chaleur & fecheresse presque insupporta-
ble, produict diuerses impresiōs & uisions
en la moyenne region de l'air, cause la mort
aux bestes, & menace nos corps de diuerses
infirmitez, cōme de fiebures pestilentes, de
douleur de teste, de reins, de uessie, & de plu-
sieurs autres prouenantes d'inflammatiō de
foye, & de sang corōpu. Quelques belistres
apostez, mettrōt le feu en certains lieux, ou
la foudre du Ciel y tumbera, la fureur & ui-
olence d'un Prince martial, nous menace de
beaucoup de troubles & de grande esmo-
tions de guerre, de sorte que plusieurs vil-
les serōt par luy affligēes, les habitāns d'icel-
les serrez en prison, & possible mis à mort

E par

par son cōmandement. Aduise hardiment à
foy une certaine dame de grãde maison, de
cōplexion Saturnienne, & un seigneur Io-
uial, car ils tomberont en grand hazard de
leurs biens, & de leur uie.

1585.

La reuolutiō de ceste année est fort dange-
reuse, pource qu'en sa figure se trouue une
partie des planettes située en ses deiections,
une autre partie, qui occupe les lieux cheaus
au Ciel, & aucunes desdictes planettes se
trouuent retrogrades, de façon qu'il ne se
presente chose aucune de bō espoir, si nous
ne uoulōs recourir a la cōiunctiō qui se fera
de Iuppiter, & de Venus, laquelle toutesfois
ne nous peut estre grandement proufitable,
cōsideré qu'elle se faict en une maison abie-
cté, avec ce qu'elle est enuironnée & renuer-
sée par un rayon hostile de Mars, & partile
du tout. Pource outre plusieurs effectz desiz
mentionnez en la reuolution precedente,
nous sont signifiez uariables & incertains
bruits, qui courront çà & là, surprises de pa-
quets, grans dangers par les chemins, inimi-
tiez entre quelques parens & amys, à cause
de la lubricité uenerienne, ou à raison de
quelques richesses & thresors. Semblable-
ment nous est promise une assemblée de
gens ecclesiastiques, et des seigneurs des pro-
uinces sur le faict de la Religion.

1586.

Au temps de ceste reuolution plusieurs maux uiendrōt au monde, spécialement es prouinces & royaumes Occidentaux, situez en l'Océan, ou enuiron l'Océan, mesme es isles fortunées, et en leurs semblables. Mais les destins serōt plus fauorables aux Orientaux, & aux peuples de Germanie, ueu qu'il ne leur aduiēt en tout cest an, effect tant petit soit-il d'aucune eclipse. Car combiē que ceste grāde assemblée de planettes qui se fera le moys d'Auril, au signed'Aries, semble biē tenir la main à toutes ces significations, nous amenāt prou d'impressions bruelātes en la plus haute regiō de l'air une ardeur intollerable, et quelques actions tragiques entre les Seigneurs de Germanie, si est-ce que toutes ces choses s'esuanuirōt dēs leur cōmencement

1587.

Encores ceste année plusieurs maux tourmenterōt les peuples d'Occident, desquels nous auons assez clairement & amplement discouru cy dessus. Mais outre lesdicts Occidentaux, ceux aussi de Germanie, & des prouinces adiacentes, sont menacez par la presente reuolution, nommément sur la fin de ceste année, & sur le commencement de la future, de plusieurs maladies, asçauoir dysenteries, calculs, retentions d'urine, douleurs d'estomach, catarrhes, obstructions de gosier,

E 2 &

& de gouttes, il y aura quelque Prelat de biē noble maison, qui par la trahisō des siēs, ou par les aguets de ses uoyfins, recevra quelque honte, ou sera prisonnier, s'il ne se donne garde.

1588.

La faim ou la peste nous est signifiée par la presente reuolution, outre laquelle plusieurs maladies ne nous manqueront, comme uertigines de teste, coliques passions, flux de uentre, uerolles, & autres infirmitēz corrosiues, grans uents & cōtinuz s'esleueront, apres lesquels se metterōt en ieu plusieurs troubles, impostures, & trahisons avec infinis affaires & calamitez, dont tout le monde se trouuera enuelppe. Quelque femme illustre sera uiolentēe, ou elle finira piteusemēt ses iours, un riche marchand ou bien un homme merueilleusemēt docte, est menacē en son honneur, en ses biens, & en sa vie.

1589.

Ceste annēe participe aux effects de la precedente & cōuient en quelque chose avec elle, mais outre les significations esquelles elle cōmunique, elle nous menace encor d'un grand appareil de guerre, à cause de la uenue d'un cruel estranger, plusieurs hommes se desferont par desesper, une partie de la noblesse tendra à defection, iusqu'à secretemēt conspirer contre les magistrats: & les magistrats contr'elle. L'estat des ecclesiastiques

fatigues sera exposé à plusieurs dangers et persecutiōs, de sorte que diuers changemēts aduiendront tant es pollices qu'en ladicte Religion. Vn certain Prince taschera se ruer par force & uiolence en la seigneurie d'autrui. L'automne sera froid & humide.

1590.

Pource que la benigne planette de Venus sera en la reuolutiō de ceste année puis. s'ate à l'aduenāt, & se trouuera située en lieu du Ciel fort bon, nous aurōs l'année toute paisible & foisonnāte en biens, excepté que sur la fin & sur le cōencement de l'autre se presenterōt quelques occasiōs du mal aduenir, ainsi que plus amplement sera traicté en la suyuante prognostication.

1591.

Chaleur & secheresse nous est donotée en la presente reuolutiō, toutesfois avec incōstāce & uarieté, pource qu'elle se remettra souuent & moderera par pluyes. Aussi quelques impressions s'engendrerōt en la plus haute region de l'aër. Quant aux accidens humains, les amitez serōt tant feintes & simulées, qu'il n'y aura celuy qui se ueuille aucunement fier à l'autre, nouvelles haines sourdeont entre les grans seigneurs, qui serōt cause de grans diuorces, de combats & batailles cruelles. Vne partie de laquelle uiolence s'estendra iusqu'aux

E 3 uilles

uilles & prouinces plus libres, mesme iuf-
qu'à quelques personnes ecclesiastiques.
Pour dire en somme les dangers de pauvre-
té, d'exil, & de mort, semblent menacer les
Roys & Roynes de ce temps, dont suruien-
dra grande alteration & changemens és offi-
ces & estats de la Republique.

1592.

C'est chose esmerueillable qu'au tēps de
cette reuolutiō eschéent les effects de quatre
eclipses, à sçauoir deux Solaires, & deux Lu-
naires, ce que ie pēse n'auoir iamais trouué,
pource à mon iugement doyuent aduenir
plusieurs cas horribles & lamentables acci-
dens, desquels nous auōs discouru en la pre-
cedente expositiō. Mais outre ceux-là nous
sommes menagez de la desloyantē des serui-
teurs, qui contre tout droit & equité entre-
prendront plusieurs meschancetez contre
eurs maistres, les uoysins grans seigneurs
entreront en contention, qui possible excite-
ra des seditions populaires, de longues plu-
yes, innundations, tempestes, & naufrages
se descourriront, qui seront cause de la deso-
lation de quelque prouinces & uilles mariti-
mes. Bref un cas admirable sera ueu, pour
raisō de quelques trepassez & de leurs succes-
siō, finalement les maladies cōtagieuses regne-
rōt en tous lieux.

1593.

Ce que nous auōs dit immediatement de
l'humiditē

L'humidité de l'aër, des tempestes de la mer, ensemble des morts, & de leurs successions, doit estre aussi accommodé aux trois premiers moys de cest an 1593. Et outre ce, plusieurs feintes amities se descouurent, plusieurs miseres & calamitez possible, aussi captiuitez se promettent aux Saturniens & Lunatiques: pour celà ne se doyuët asseurer les Mercurialistes & Iouialistes: car il ne seront en moindre danger que les autres, & ce à raison de la fureur, & uiolēce de Mars, les biens de la terre foisonnerōt ou serōt de mauuaise nourriture, pource y aura disette de bestial, & de cheuaux, les peres & meres encourront plusieurs dommages, à cause de leurs enfans. Or il conuient diligemmēt noter, qu'en la figure celeste, & uernale de ceste année, se rencōtrent quatre planettes en leurs deiections, qui est chose de mauuais euenement, & qui seroit encore pire, si les effects de plusieurs eclipses y auoyēt occurrence, ou si ceux d'une seule: mais qui fust notable, & de grande importance y estoyēt entremeslez.

1594.

La reuolution presente signifie nouuelles heresies, & à raison de ce changement et degast en la uraye Religion, ne promet aux personnes ecclesiastiques, et aux principaux de leur profession qu'une malheureuse uie, ou plustost une mort uiolente. En l'election

E 4 de

de la spiritualité, & es assemblées des Princes sera usé de fines ruses & conseils. Tous ars liberaux, toutes bonnes disciplines & estudes tomberont en langueur, toutes pratiques questueuses seront en uertu, plusieurs dangers sur les chemins empêcheront les uoyages, lettres & paquets seront surprins par les gendarmes qui tiendront la campagne. On attendra par poison, à la personne d'un grand seigneur, ou d'une Roynne, aussi quelques uilles anciennes se trouueront menacées & uiolentées L'humidité sera si grande, que les biens de la terre en seront corrompus, ou defauseront la plus part.

1595.

Les significations de la precedente année peuuent estre accommodées à ceste-cy, car en l'une & l'autre les effects de l'eclipse du Soleil sont en uertu. D'auantage est menacée une dame de noble maison, ou un Prince effeminé, de pauureté, & d'exil : quelque thresors seront pillés, & pource aduiendront grandes seditions, diuerses especes de maladies affligeront le monde : mais tout cela s'endurera es prouinces Occidentales.

1596.

Je trouue en la reuolutiō de cest an, prou d'amitié futils et simulées, avec la rupture d'une confederatiō au parauant accordée. Je trouue la descēte d'un cruel estrāger, qui
ne

ne nous amenera que seditions et troubles qui feront suyure infinis degasts en nos pays, plusieurs se defferont par desespoir, plusieurs periront de mort soudaine, ceux nommément qui sont de complexion Saturnienne & Martiale, les uents seront impetueux, les fraudes & mēsonges en uertu, les changemēs, perils & difficultez fort à craindre en la Religiō, & en l'estat des gens d'e-glise. Quelques secrets ennemis se mettrōt en peine pour empoisonner une dame de bien grande maison. Il faut noter pour la constellation de ceste annēe que les effects uiennēt de trois eclipses, desquelles se trouuent deux Lunaires, & une de Soleil, à cause dequoy les euenemens seront plus dangereux.

1597.

Il ya grande cōuenance entre les effects de ceste annēe, & ceux de la precedente, considerē que la totale signification se descharge sur les calamitez & troubles de la Religion, & de l'estat des ecclesiastiques. Mesme qu'elle nous menace de chemins dangereux, d'impetuositē de uents, de dissensions & noises ès assemblēes des Princes, & d'une infinitē d'impostures fraudulentes. Avec ce, qu'une Royne est prestē d'encourir danger de sa uie & de ses biens.

1598.

Ceste reuolutiō proteste longues pluyes,

E s griesues

griefues maladies, une guerre cruelle & dommagable, mort & emprisonnement à quelques grans seigneurs, tant seculiers qu'ecclesiastiques, à cause dequoy plusieurs mutations suruiendront ès affaires publiques. Or c'est chose observable qu'en ceste année se doyent ioindre les effects de deux eclipses, lune de Soleil, & l'autre de Lune, toutes deux de bien grande importance. Pource peuple Chrestien, pense hardiment à toy, leue ton esprit au ciel, & sois prudent en tes affaires, de peur qu'on ne t'opprime au despourueu, & que ta gloire ne tombe.

1599.

Ce que nous auons discours cy deuant, doit estre rapporté aussi bien à la presente année, qu'à celle de dessus, pource que les deux eclipses, dont nous auons parlé, estendent leurs significatiōs & uertus, nō moins en ceste-cy qu'en l'autre, dōt i'ay bien voulu aduertir le lecteur.

1600.

Encore durent les effects de l'eclipse solaire, dont nous auōs parlé l'an 1598. & contiennent leur uertu durant cest an 1600. Outre lesquels la presente reuolution menace les Saturnians & les Mercurialistes, d'un estat de uie grandemēt calamiteux, nous annonçee une peste fort contagieuse, & plusieurs

seurs autres maladies, qui soudainement amasseront les hommes, faict sourdre quelques noises & dissensions, ou à cause de ie ne sçay quelles femmes, de ie ne sçay quelles paillardises, ou de quelque effort uiolēt dont pourront ensuyure des seditions populaires, & des pilleries, l'année quant à sa temperature, sera de bonne sorte, c'est asçauoir, ne trop seche ne trop humide.

1601.

Les pluyes excedentes de ceste année, la rendront grandement humide, de sorte que plusieurs naufrages aduiendront, submersions de personnes, & grandes desolations es uilles maritimes. Les Princes s'assembleront, possible pour le faict de la Religion, ou pour l'instalation des nouueaux magistrats, ou pour la reformation des affaires publiques, ou pour se liguier ensemble à s'ayder l'un l'autre contre leur ennemi commun: nouuelles heresies se diuulgueront, & un nouueau Prophete se monstrera. Toutes actions & faciendes seront farcies de trahisons, d'impostures, de dol, & de fraude: les chemins ne seront seurs, ni les ambassadeurs qui y uoyageroyent, car leurs paquets & lettres y seront surprises. Les bonnes lettres & disciplines seront mesprisées, au moyen de quelques malings & peruers esprits. Les ecclesiastiques seront

persecutez

persecutez & captiuez par les Princes seculiers, puis apres se feront la guerre les uns aux autres, & s'affligeront de maux infinis.

1602.

Les effects de quatre eclipses ascauoir de deux Solaires, & de deux Lunaires, seront preuue de leur uertu en cest an 1602. & telle que de lōg tēps n'en aura esté ueuē une semblable. Car cōbien que nous auōs dict en la reuolution de l'an 1592. les effects de quatre semblables eclipses denoir uenir en cōcurrēce, s'y est-ce qu'ils ne serōt à cōparer aucune mē avec ceux-cy, pource que ceux-la dependent de petites eclipses, et ceux cy d'eclipses de fort grāde importāce, desquelles prouiet la grādeur des effects, pource aduiendront grāds chāgemēs es polices & en la Religio: la mort de quelques Roys & Roynes est proposée: les peuples se leuerōt cōtre leurs magistrats, & les magistrats se deliurerōt par la feneritē de leurs iugemens: une cruelle guerre se menera, de laquelle plusieurs pertes & desolatiōs uiendrōt au poure peuple, outre les maladies longues & diuerses qui l'affligeront de toutes pars, poisons & forcelleries courront par pays, la corruption sera si grāde en toutes choses, qu'il n'y aura homme qui se puisse asseurer de son compaignon.

1603.

Lameschancier des hommes, & l'infideli-

té, ne sera moindre en ceste année, qu'elle estoit en la precedēte, les maladies y serōt abōdātes, ausquelles les poisons, sorcelleries & charmes se conioindrōt, les animositez se nourrirōt entre le peuple & les magistrats, excursions & pilleries de gēdarmes serōt entretenues par la fureur Martiale, quelques uilles specialemēt situées sous les signes de Capricorne, & du Scorpion, serōt affligées de crainte & de dāger, les hommes mourrōt à milliers de faim, de peste, & de glaiue. Mesme la mort est promise à beaucoup de grans seigneurs, et de dames illustres, tellemēt que grā troubles & cōfusions es affaires en doyuent prouenir. 1604.

Pource que les effects de l'eclipse du Soleil, cy deuant specificēe commencent à décliner au decours de ceste reuolutiō, les significatiōs de cēt an ne serōt si aigres que les precedētes, ores qu'elles soyēt de pareille nature, & qu'il les cōuienne referer aux autres calamitez ia par nous alleguées.

1605.

Ie ne scay par quel destin cela se faict, que tant de grādes eclipses, & principalemēt de Soleil aduiennēt en si peu d'années, ne nous promettās que toutes choses griefues & dāgereuses, ie croy que ce seront les derniers temps, esquels toute charité & pieté refroidira, toute iustice & merité demeurera opprimée,


mée, tout sera plein de troubles & de seditions, brestoutes choses iront à reculons, dont ne nous conuiendra esperer autre chose que la ruine totale de la societé commune qui doit estre entre les hommes.


1606.


En cest an cōmencerōt les effects de l'horrible eclipse de Soleil qui l'an precedēt aura esté ueue. C'est chose toute certaine que plusieurs siecles au parauāt n'en a esté une plus grande, & n'en sera possible une telle pour l'aduenir. O Roys & Princes naiz sous les signes du Mouton, & de la Liure, plus les provinces & uilles subietes au premier quadrāgle du Zodiaque, & au signe du Scorpion, uous-uous trouuerez en merueilleuse anxiété, à cause des maux extremes & calamitez qui uous menacent. Dieu par sa sainte grace uous en uueille preseruer.


P'ay discouru ceste presente prognostication (amy Lecteur) iusqu'à l'an 1607, pour non seulement aduertir l'homme Chrestien des signes qui presagent les futures calamitez, mais aussi pour l'admonnester de son deuoir, qui est de chercher les remedes moyenāt lesquels pourra obuier à tant de maux. Pource exhortay ie tous hommes sages, uertueux, & modestes (car les autres endormis en leurs concupiscences ne se soucient aucunement des comminations celestes) de quit-


ter les amors abusives de ce miserable mō.
 de, & se preparer à patiemēt recevoir leur
 croix, sans en cōtester contre Dieu, mais luy
 en rendre gloire, & tousiours inuoker son
 saint nom. Ce faisans attendront le second
 aduenement du Fils de Dieu, qui semble e-
 stre fort prochain, cōme mesme Helie nous
 l'a prophetizé, quand il a dict le mōde deuoir
 finir au bout de six mille ans, encor le sixief-
 me millenarie ne se deuoir accomplir, à cau-
 se des enormitez du mōde, à quoy aussi s'ac-
 cordent les propheties d'Ezechiel & de Da-
 niel, limitans la fin du monde au declin du
 regne de Machomet lors que les hommes se
 leuans des sepulchres ressusciteront les uns
 à gloire, les autres à peine perpetuelle & i-
 gnominie. Dieu ueuille que ce soit à son hō-
 neur, à la confusion des ennemis de son E-
 glise, & au proufit de tous ceux qui
 purement & saintement
 adorent.

















2

RE

